

華嚴疏鈔

C40
4514
(1)



C40-4514



B 64853

大方廣佛華嚴經疏鈔卷三十七之一

于闐國二藏沙門實叉難陀

譯

清涼山大華嚴寺沙門澄觀撰述

十地品第二十六之四上

疏第六現前地所以來者已說諸諦相應慧次說緣起流轉止息相應慧寄緣覺地故次來也又四地出世未能隨世五地能隨而不能破染淨之見此地觀察無染淨法界破彼見故故瑜伽云前地雖能於生死涅槃棄捨一向背趣作意而未能於生死流轉如實觀察又由於彼多生厭故未能多

住無相作意爲令此分得圓滿故精勤修習令得圓滿故次來也。鈔所以來者來意有二前約寄位及三學說謂五寄聲聞六寄緣覺從四地去皆屬慧學今亦對五以辨來意慧與寄位名義相似故合爲一又四地下第二意約斷障證如以辨來意四五六地同是順忍染淨相帶故舉四地四地出世唯淨五地見染可隨此地能亡染淨而言觀察約加行說故瑜伽下引證論文有三一明五地之德證上能隨勝於四地二而未能下明無六地之德證上不能破染淨之慢見然有二意一不如

實觀無染淨故二又由下多生厭故三爲令下正對五地不能故此能來

疏名現前者莊嚴論云不住生死涅槃觀慧現前故此約初住地以前五地雙觀故今得現前十住論云降魔事已菩薩道法皆現在前亦約初說瑜伽引深密經云現前觀察諸行流轉又於無相多修作意方得現前者多修無相此約地初觀十平等故觀察流轉此約地中已入地竟方觀緣起故攝論云由緣起智能令般若波羅蜜多現在前故此釋正順今經約地中說無性釋云謂此地中住

緣起智由此智力令無分別智而得現前悟一切法無染無淨。唯識同於攝論上本分云有間般若現前者據後地故故所斷障亦斷染淨。唯識名爲龕相現行障謂所知障中俱生三分。孰有染淨龕相現行彼障六地無染淨道入六地時便能永斷以觀十平等故。鈔十住論云者生死涅槃卽菩薩魔事生死是凡夫行涅槃是一乘行故生公云三界塗阻一乘路險五百由旬是菩薩惡道甚難過矣今超聖意亦越凡情故能降之又智論云除諸法實相皆菩薩魔事今證般若能契實相故過

魔事。

疏由斯六地說斷一愚及彼龕重一現觀察行流轉愚卽是此中孰有染者諸行流轉染分攝故二相多現行愚卽是此中孰有淨相故相觀多行未能多時住無相觀初愚卽執苦集後愚卽執滅道本分名微細煩惱習者執細染淨卽是煩惱形於前地故說爲微唯識形後名爲龕相疏由斷此愚使證無染淨真如謂此真如本性無染亦不可說後方淨故疏攝論名爲無染淨法界後成般若行

疏亦得自他相續無染淨果其揆一也。

菩薩既聞諸勝行其心歡喜用妙華放淨光明散寶珠供養如來稱善說。

疏後正釋文亦有二分初讚請分九頌分一前八頌半讚後半頌請讚中分二初一菩薩讚餘諸天讚供於中三。

百千天衆皆欣慶共在空中散衆寶華鬢纓絡及幢幡寶蓋塗香咸供佛。

疏初一天衆。

自在天王并眷屬心生歡喜在空中散寶成雲持供

養讚言佛子快宣說。

疏次一天王。

無量天女空中在共以樂音歌讚佛音中悉作如是言佛語能除煩惱病。

法性本寂無諸相猶如虛空不分別超諸取著絕言道真實平等常清淨。

若能通達諸法性於有於無心不動爲欲救世勤修行此佛口生真佛子。忍知法性離具精進。不取衆相而行施本絕諸惡堅持戒解法無害常堪

撰述

華嚴真言金剛卷之一

四

總

已盡煩惱入諸禪。善達性空分別法。其足智力能博濟。滅除衆惡稱大士。

疏後五頌半天女於中初三句。集經者序述標讚佛果。佛語下正讚此句讚教次一偈讚理次三偈讚行於中初偈悲智無礙行後二千度圓修行本絕諸惡者見惡可除非真持戒善達性空節般若度分別法卽方便度。智力卽一度。博濟兼願。如是妙音千萬種讚已默然瞻仰佛解脫月語金剛藏以何行相入後地。

疏後半結默半結請

○疏第一正說亦分爲二。初地行後地果前中同於前地亦有三分。一勝慢對治。二佛子至如是觀已下明不住道行勝。三佛子至以如是十種下明彼果勝亦初分卽入心後二卽住心住中前卽攝正心住後卽攝善現行及隨順善根迴向。至文當知今且依論然三分雖同而漸超勝勝相云何謂第四地說衆生我慢解淨相慢治第五地中說身淨慢治今第六地說取染淨相慢治所治漸細故曰勝也所治旣細後二亦過。鈔謂第四下釋顯勝相以五六地皆治慢故是以對之遠公云四五六

撰述

毒蘆疏金卷之一

五

闕

地同是順忍行相廣同所以對之亦有理在若爾。前之三地同是信忍何不通對七八九地是無生忍爲難亦然故依治慢通對諸地下言漸細則顯前龐故此三地後後細於前前論文具示三慢而龐細相隱今當示之四治三地衆生我等依世間起此慢最龐五治四地身淨慢依出世起故知漸細六治五慢雙就世間及出世起故更細也言衆生我慢等者準四地果中治有四慢一離衆生我著謂離我人衆生壽命二離法我著謂蘊界處三離解法慢經云執著論云我知四離正受慢治經

云出沒論云離我修我所修等今此但云衆生我慢解法慢者以此四中初二是本後二是所起本及所起各舉初一以攝一故畧無法慢及正受慢餘如四地說身淨慢者四地之中得出世智修四念處名爲身淨所治既細下出初分爲勝今以上例後則不住道行及彼果分二皆勝也。

疏染淨慢者前觀四諦苦集名染滅道爲淨又十平等隨順如道但約淨說染未亡對染有淨亦名取淨鈔染淨慢者下二釋分名卽當地能所治於中有三初舉所治先正舉染淨又十平等下

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

90 1 2 3 4 5 6 7 8 9

解妨先問有二句。展轉而起下答當知。但約淨下答此上一句。雙答前二一者上問云。十平等法何有染淨。故今答云。前十平等。但約淨法。謂三世佛法及七淨故。二者上問云。前五地初取十勝相。以隨如道而爲能治。如豈染淨。故今答云。亦約淨。如以破前十淨同一如故。染相未亡者。此通伏難。難云。前地觀於淨如。染慢許生。尚有淨慢。故今答云。前所觀如入觀。則能出觀隨有。猶見染相。染相既存。對染苦集還生淨相。滅道之見。故有斯慢。雖有三重救難。染淨之相皆存。

疏今以十種染淨平等法而爲能治。下觀緣起。雖有染淨悟空深。故不名取慢。鈔今以十染淨下。第二能治此之一治諸難都寂。謂既染淨平等。則異前地十淨平等。一者染淨既等。不唯但能觀於淨如。則雙通二三之兩救也。又多修無相。出觀少故。便爲能治。下觀緣起下。解妨上引前難後今引後難前緣。起逆順同前四諦染淨相故。答云。五地初能入俗。悟空未深。無相般若悟空方深。

爾時金剛藏菩薩告解脫月菩薩言。佛子。菩薩摩訶薩已具足第五地。欲入第六現前地。當觀察十平等。

法

疏今初勝慢治中分四。牒前標後。二何等下。徵列十心。三菩薩如是下。結其行能。四得明利下。辨行分齊。

何等爲十。所謂一切法無相故平等。無體故平等。無生故平等。無成故平等。本來清淨故平等。無戲論故平等。無取捨故平等。寂靜故平等。如幻如夢如影如響。如水中月。如鏡中像。如燄如化。故平等。有無不二。故平等。

疏列中十句。初總餘別。總云一切法者。論云是十

二入。以三科中。蘊不攝無爲處。界攝盡而處次。於蘊又名生門。順無生義。故偏舉之。言無相者。論云自性無相。故謂十二入緣成之相。有來卽無非推之使無。故云自性無也。故瑜伽云。由有勝義。自性無相。平等性故亦同淨。名不念。內外行。於平等等。鈔總云。一切法者。經中有三。初一切法是平等。法體。二無相。是平等因。三平等是所成義。

疏別中九句。明九種相皆自性無故。論云相分別對治有九種。謂體生等九。是其所治無之一字。是自性無以爲能治。論以初自性無貫下九句。故但

顯所治相之差別。一無體故平等者。論經云無想論云十二入自相想。謂內六根取外六塵之相總名爲想。卽十二入之體。故今經云體想取像以爲體。故亦自性無故。經云無體故平等下皆準此。上遣分別心。二生者。念展轉行相。謂諸入苦果虛妄分別爲本故。三成者。生展轉行相。謂生卽苦果從果起因。故云展轉。上遣染分依他。但舉緣成已顯無生無成義矣。四卽遣淨相。謂本來曾淨。非滅惑方淨。故云平等。五遣分別相。謂道能分別揀擇滅惑。若有分別則有戲論。今本無戲論。故無分別。

上二遣淨分依他。六遣出沒。謂真如之性在妄爲。沒離垢爲出。今妄體卽真故無可捨。真體卽空故無可取。七遣染相。卽由上義染本寂靜。卽是真。如無別真矣。上二遣圓成。卽十二入之真性。八遣我非有相。此有一意一類前釋。謂有執言。但我非有不無於事故。云如幻等事。有亦不實二者。此句遣無由上以無遣。有恐便執無故。遣云如幻夢等。但無其實。非是全無故。不應執我非有相。諸喻雖異大旨。無殊亦可。八喻別對。前來總別八句。謂如幻無相故。如夢想現故。果生如影故。因成如響故。本

淨如水月不可取故正智但是鏡智現故焰不可攬亦叵捨故化無心現常寂然故九遣成壞相成卽是有壞卽是無緣起爲成無性爲壞緣成卽無性故有無不二。鈔別中前七以無遣有然其疏中解前七句自有五意一依論總句是十二入則別別句皆十二入謂十二入體十二入生等二者通遣十二入上三性之義初句遣遍計故云此遣分別分別古譯遍計之名次四染分淨分俱遣依他六七皆遣圓成疏文自具三者爲破前地之慢慢依四諦而起初二遣苦故初云想二云生者諸

入苦果次一遣集以成是苦之因故第四句遣滅故云非滅惑方淨第五句遣道故云謂道分別六七亦遣滅然四是滅惑名滅六七卽顯滅理之滅故皆云真如四約進觀後位有十二緣觀前三遣染緣起體生卽識等七苦成卽三煩惱二業故次三遣淨緣起謂四遣無明滅行滅等五遣能逆觀之智六卽所顯真體七雙遣染淨染淨平等故五約五法初一遣名及與妄想言分別故次三遣相離取捨本來寂靜故然遠公更有一意謂約三空

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

初之一句遣分別想卽是空門中間五句遣其名相是無相門末後一句遣取捨願顯無願門此與初地義同初地以空門治分別無相治相無願治取捨故此非無理疏以十句皆通三空故不顯之但有五意耳。

疏上之九句初七以無遣有次一以喻遣無後一不二遣俱則雙非入中矣鈔上之九句下第二總相料據疏文有二明遣三會一謂遣有遣無及俱有無會非有無之中道也。

疏又此不二則不壞有無謂說空遣於有執說有

爲遣空迷有是不異空之有空是不異有之空無別空有而爲二也是遣俱句鈔又此不二下第二重明第九成不壞義能遣俱句及俱非句卽分爲二初以不壞有無成俱非義以遣俱句先標不二意云若無有無將何不二故涅槃云若無一二云何說言非一非二故不二義成於不壞謂說空下辨相於中先明不壞以成俱非此句明不壞空而非立相空故空非空也言說有爲遣空迷者此句明不壞有而非無於有故有非有也故成俱非次云有是不異空之有空是不異有之空者此二

撰述

華嚴疏鈔卷之一

十一

十一

句顯經不二成不壞義次云無別空有而爲二者
正遣俱也。

疏又既不二亦不壞有則不異無之有是不有之
有不異有之無是不無之無則亦遣俱非。鈔又
既不二下二明不壞有無以成俱句遣俱非也上
二句標則不異無下二顯相此句將不二立有次
云不異有之無等者將不異立無也是爲不二故
不壞不壞則空有雙存結云則遣俱非。

疏斯乃四句百非諸見皆絕方爲般若現前之因
鈔斯乃四句下三結歎謂上遣四句又借俱非

以遣俱句非立俱非今將俱句以遣俱非非立俱
也雖遣四句不壞四句存泯無礙故結云百非四
句諸見皆絕然遠公但有初段遣三會一彼云此
與涅槃十一空大同彼亦用前八以空遣有第九
一空以有遣無第十空空有無俱遣彼處大空就
空實以論亦是一理十一空義至下當明。
菩薩如是觀一切法自性清淨隨順無違得入第六
現前地。

疏第三結得入地文有五句一牒前所觀十平等
法二自性清淨者遠離前地染淨慢垢三隨順真

撰述

華嚴疏金卷之一

卅

如十平等法四以無分別心無違所觀五由前四能得入六地。

得明利隨順忍未得無生法忍。

疏第四辨行分齊中二句得明利忍對前顯勝未得無生對後彰劣。

疏仁王經中說有五忍謂伏信順無生寂滅前四各有下中上地前得伏忍三品九地如次配次三忍十地及佛得寂滅忍若瓔珞中開出等覺則亦有三品。鈔仁王下二彰忍數仁王五忍歷位但成十四瓔珞加一五忍之相辨差別中當影出之。

○疏今四五六皆得順忍此當上品治於細慢故云明利言隨順者順後無生忍故。鈔今四五六下三會釋經文由慢有羸細故忍分三品四地治衆生我慢解法慢羸得下品忍五地治身淨慢次細得中品忍此地治淨慢細得上品忍故云治於細慢故云明利明者無不鑒利無不破然治由習增故從下至上障由漸斷故從羸至細言順於後地者順忍有二義一者順法故十忍品云法有亦順知法無亦順知二者順忍未證無生隨順彼忍故今約位說前爲後因正宜此釋由此地破相趣入

撰述

華嚴疏金卷之一

三

開

眞境故順上地無生忍也。

疏然約實位。初地卽得無生。今約寄位當七八九寄位何以有此不同。謂若約空無我理爲無生者卽初地證如所以名得。鈔謂若約下三辨差別相於中有二。先明通相。則初地明得。謂初地得無我亦得名空平等。亦可名爲無生無我。卽是空無生故。六地名空平等理亦可得名無生無我。空平等理卽是無生空無我故。七地已上得無生忍亦可得名無我及空平等。以無生理卽是無我。空平等故。故名爲通。

疏今不得者有四義故。鈔今不得下二釋別相非唯初地未得此忍。而此六地亦未得之。以約分別無我與空及無生理三相異故。

疏一約空理淺深。初地觀法虛假破性顯空。但名無我。今此地中破相趣寂。但名平等。若約證實反皇。由來常寂無相可生斯理轉深故七地方得。若約契本常寂斯理最妙。故十地後得。鈔一約空下釋有四門。卽分四別。第一門中正開前約理通義。初顯無我。言破性顯空者。若人若法皆無性故無性故空。此則義當信忍。舉初攝後。故云初地。今

此地豈唯無性相亦不存。故經文云無相無體。故平等非唯有相空相亦遣方爲真空平等理也。義當順忍舉後攝前義該四五若約證實下當無生忍舉初攝後義該八九而言證實反望者上之二義但破空性相故今此已證反望性相本來常寂何俟破竟方說無我及空平等斯理轉深者則上空平等中亦合言斯義漸深文畧無耳若約契本下卽寂滅忍舉初該後五十地後得而言契本常寂者前無生忍證實望相則前所破與所證未同今寂滅忍契所破常寂卽所證故故云最妙。

疏二就行分別六地已前漸起諸行謂初願次戒等故名爲生七地已上念念頓起一切諸行故云無生。鈔二就行者此約生起名生七地頓起何名無生以起行皆遍無可新起故云無生。

疏三約空有二法六地已前空有間起名之爲生七地已上寂用雙行故名無生。鈔三約空有者亦是生起之生不同前行隨一行中有空有故入觀起空出觀起有故間起名生七地常在觀而涉有不迷於空觀空不礙於有故稱方便更無出入之殊故云無生。

疏四約修分別行修未熟名之爲生。行修純熟名曰無生。此則七地已還未得無生故經就八地方顯無生。鈔四約修分別者此約生熟之生。生滅名生。純熟名不生。七地猶有功用故名生滅。八地無功用運而進故云純熟。

佛子此菩薩摩訶薩如是觀已復以大悲爲首大悲增上大悲滿足觀世間生滅。

疏第二不住道行勝中分三初總顯心境二作是念下別明觀相二佛子菩薩至如是十種下結成觀名今初有二先如是觀已結前所以結者由

前觀察隨順得至不住道故鈔第二不住等者然總觀心境遠公約入心明不住道從作是念下就正住地明不住道今但爲標不取古釋由前觀察者故論經云是菩薩如是觀一切法隨順得至論釋云得至不住道行勝故今經畧無隨順得至之言而言如是觀已意則合有故疏取論蹟前釋之

疏後復以下正顯文有四句前三辨能觀心後一標所觀境前三皆悲後一是智由此相導故名不住故論結云不住生死涅槃故

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

疏今初三中爲物觀緣總稱大悲隨觀不同故分三別。一首者初義先起大悲而觀緣故。故論云不捨過去現在未來大悲攝勝故。以雖同一切智觀觀三世流轉厭離有爲而以大悲爲先故勝二乘。鈔以雖同下釋論正釋勝字若無大悲卽同二乘。今有故勝然一切種智觀者卽大品經以聲聞名一切智菩薩名道種智。如來爲一切種智此則橫對大小因果分此三別不同謂佛爲一切種智觀三世流轉者將下經意釋論不捨過去現在未來之言其厭離有爲卽下論觀名依大悲爲首

立此觀故而以大悲下正釋勝義。

疏二增上者論云一切法中智清淨故謂以道相智觀不唯但觀三世而遍了諸法故云一切法中以此導前令悲增上故下經云大悲轉增鈔謂以道相下釋論卽菩薩自智也不唯但觀三世對上顯勝次而遍了諸法下當相辨勝言了諸法者若內若外有爲無爲無不知故以此導下明由智勝故悲成增上。

疏三滿足者論云一切種微細因緣集觀故謂以一切種智委照無遺故名微細鈔謂以一切下。

60
1 2 3 4 5 6 7 8 9

70
1 2 3 4 5 6 7 8 9

80
1 2 3 4 5 6 7 8 9

釋論卽如來智也。

疏三悲爲次後後轉深智轉勝故據論現文初則雙明悲智俱護煩惱小乘後但唯語於智義當但護煩惱旣三俱稱悲卽下三觀則皆雙護凡小俱通二利皆雙不住也鈔據論現文下三義門料揀於中有三初明二護自有一義一按論文由上大悲爲首者不捨過去現在未來卽是智義大悲攝故卽是悲義悲護小乘智護煩惱後二但言一切法中智清淨故一切種微細因緣集明唯約智旣三俱下第二通例悲卽護凡小二護卽具二利

有智故不住生死有悲故不住涅槃故三義具矣疏後句標所觀者前滅後生染生淨滅故鈔前滅後生者無明緣行前緣已滅引起後故若前不滅則墮常故若後不生卽是斷故無明緣行者由前滅故後方得生十二皆然自是一義言染生淨滅者無明緣行緣識等卽是染生無明滅故行滅者斯爲淨滅下引雜集名染淨觀又次經云由著我故世間生爲生不著我者則無生處名滅○疏第二別明觀相卽緣起觀然緣起深義佛教所宗乘智階差淺深多種鈔然緣起等者自古諸

60 1 2 3 4 5 6 7 8 9

70

80

90

95

德多云。二教之宗。儒宗五常。道宗自然。佛宗因緣。然老子云。道生一。一生二。一生三。三生萬物。似有因緣。而非正因緣。言道生一者。道卽虛無。自然故。彼又云。人法地。地法天。天法道。道法自然。謂虛通。曰。道卽自然而然。是則雖有因緣。亦成自然之義耳。佛法雖有無師智。自然智。而是常住真理。要假緣顯。則亦因緣矣。故教說三世修因契果。非彼無因惡因。故楞伽經大慧白佛言。世尊說常不思議。彼諸外道亦說常不思議。何以異耶。佛言。彼諸外道無有常不思議。以無因故。我說常不思議。有因。

因於內證。豈得同耶。是則眞常亦因緣顯。淨名云。說法不有亦不無。以因緣故。諸法生。法華亦云。諸佛兩足尊。知法常無性。佛種從緣起。是故說一乘。下經又云。一切諸法。因緣爲本。中論云。未曾有一法不從因緣生。是故一切法無不是空者。則真空中道亦因緣矣。若爾。涅槃十六云。我觀諸行。悉皆無常。云何知耶。以因緣故。若一切法從緣生者。則知無常。是諸外道無有一法不從緣生者。故無常。則外道有因緣矣。釋曰。此明外道在因緣內。執於緣。相以爲常住。是故破之言無常耳。今明教詮。因

緣妙理。具常無常。豈得同耶。况復宗者。從多分說。所以因緣是所宗。尚不應致疑。乘智階差者。乘謂三乘五乘。三乘觀緣已如上說。五乘人天。亦以戒善爲因緣矣。智謂智慧。如下所引下智觀者。得聲聞菩提等。以大乘中。既分因果。故智異小乘。言階差者。復有二意。一則上結隨乘智異。一如一菩提隨觀深淺。亦多階級。故云多種。

疏龍樹云。因緣有二。一內二外。外卽水土穀芽等。內卽十二因緣。今正辨內。鈔龍樹等者。一引論畧開。卽十二門論文云。謂水土人工時節穀子爲

因緣而芽得生。乳及酵暖人工爲緣而酪得生。泥團輪繩及陶師等緣而器得成。皆外因緣也。疏然外由內變。本末相收。卽總含法界。一大緣起染淨交徹。義門非一。下當畧示。鈔然外由內變。下三融通無礙。外諸器界。內識頓變。增上之果。亦因自業。故云內變。言本末相收者。內卽是本。外卽是末。以雅心義則內收外。託境生心。則末亦收。內若以法性爲本。法性融通。緣起相由。則塵包大身。毛容刹土。是故合爲一大緣起。染淨交徹者。然瑜伽云。緣起門云何。謂依八門。緣起流轉。一內識生。

門。二外緣成熟門。三有情世間死生門。四器世間成壞門。五食任持門。六自所作業增上勢力受用隨業所得憂非憂果門。七威勢門。八清淨門。釋曰然論不釋義畧可知。八清淨卽無明滅行滅等。七威勢卽勢用緣生無明緣行等。六自所作業卽正是有支習氣。五食任持卽四食不同。隨界通局。四器界可知。三有情據外無情。一及外緣門。如論說一內識生卽名言習氣。亘下當畧示者。非但門有其八。義亦無量。散在經疏隨文釋中。及下解釋緣起竟處。總結十方之意。收十爲五。乃至顯四佛性。

融爲大緣起等。義門旣散。今且就內畧示染淨。一染緣起。二淨緣起。三染淨雙融緣起。此三緣起各有四門。染中四者。一緣集一心門。二攝本從末門三攝末歸本門。四本末依持門。第二淨緣起亦四門者。一本有門。二修生門。三本有卽修生門。四修生卽本有門。第三染淨雙融亦四門者。一融染顯淨門。二以淨應染門。三會染卽淨門。四染盡淨泯門。以此諸門。及該內外無盡事理。並合爲一無障無礙法界大緣起也。

疏今經文內畧顯十重。窮究性相。以顯無盡。非爲

撰述

華嚴經鉢卷之一

寄位同於二乘。言十重者。一有支相續。二攝歸一心。三自業助成。四不相捨離。五三道不斷。六三際輪迴。七三苦集成。八因緣生滅。九生滅繫縛。十隨順無所有盡。各有逆順。卽成二十。故下經云。如是逆順觀察。逆卽緣滅。順卽緣生。此約逆順生死流注。以爲逆順。若準對法第四。此中逆順。彼名染淨。染淨之中。各有逆順。則成四十。至下當說。今以易故。經中畧無。但二十重論。王復以上三悲觀門。解此十重。則成六十。古人兼取彼果分中三空觀之。則有一百八十重觀於緣起。鈔今經文下。二舉

經顯深於中。有一先總科。經文有十重以顯無盡。古人兼取者。疏意不美。此釋亦不言非。故舉古人不言去取。若依染淨逆順。成四十重三觀歷之。成百二十。斯理然也。

疏論三觀者。一相諦。差別觀。二大悲隨順觀。二一切相智觀。初但觀。二諦有爲無。有我故。卽大悲爲首觀也。二悲隨物增。卽大悲增上觀。三卽委悉窮究。因緣性相諸門觀。故卽大悲滿足觀。初一下同。二乘一切智也。次一自顯菩薩道相智。後卽上同。諸佛一切種智。故涅槃云。十二因緣下智觀。故得

聲聞菩提中智觀故得緣覺菩提上智觀故得菩薩菩提上上智觀故得佛菩提初一菩提卽初觀意餘二各一可知前約爲物三皆稱悲今約觀心三皆智觀是知三句各有悲智相導融此三觀唯在一心甚深般若於是而現鈔初但觀下二釋相皆以前經三悲會之初一下者三會同大品三智故涅槃下四以涅槃證成涅槃開於二乘教行不同故二乘異大品合其理果是一故合二乘義皆符此故得並引前約爲物下五釋通妨難謂有問言經是三悲論爲三觀豈得引前以成今說故

爲此通融此三觀下六融通顯勝言三觀一心者卽同空假中也一人頓修非約乘分言甚深般若者般若有二一者是共如云欲得聲聞乘當學般若等法華亦云一切諸法皆悉空寂無生無滅無大無小無漏無爲如是思惟不生喜樂卽共般若此名爲淺今悲智雙運理事齊觀故其所發卽是不共爲甚深般若

疏然論三觀雖徧釋經而與十門開合不等鈔然論三觀下二以論會經於中有三初標舉言與十門下如初觀總束十門爲三則經開論合而分

撰述

華嚴疏錄卷之一

第二一心所攝前半爲第一義。卽經合論開。其第三觀開初門。前半爲染淨分別觀。後半屬依止觀。卽經合論開。以八九二門爲無始觀。卽經開論合初相諦差別。

疏初一切智觀攝經十門。總爲三段。一成答相差別。此攝十中初門。一第一義差別。攝經第二門中之半。二名世諦差別。攝餘八門半。所以分三者。初一顯妄我非有。後二顯眞俗非無。真辨緣性。俗明緣相義理周備故。鈔第二別釋三觀開合。初中有一先正明言。十中初門者。卽有支相續門。二攝

第一門中之半者。卽攝歸一心。前半經云。佛子。此菩薩摩訶薩復作是念。三界所有。唯是一心是也。攝餘八門半者。半卽第二心門中。從如來於此分別演說下。及盡第十門。

疏第二大悲隨順觀。分十爲四。一觀衆生愚癡顛倒攝十門中第一門。二餘處求解脫攝第二門。三異道求解脫攝次四門。四求異解脫攝後四門。此之四觀。初一就情彰過。後三就法辨非。於中二是所依理。非對彼正理。名所取我。以爲餘處。三是所依行法。非舉其法。非明其行失。後一明所求果非。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

以苦欲捨苦故。鈔第二大悲隨順觀中亦二先正明一觀衆生愚癡顛倒者謂癡迷性相倒執我所故二餘處求解脫者謂諸凡夫愚癡顛倒應於阿賴耶識及阿陀那識中求解脫乃於餘處我我所中求解脫故第二一心門明唯一心可於中求心外無法故三異道者論云顛倒因此有四種一冥性因二自在因三苦行因四無因如次四門破之一自業助成門明有支各有二種由業能生非由冥性二不相捨離門明以無明等爲行等因非由自在三三道不斷門明業惑而爲苦因欲求脫

苦當斷業惑反修苦行是起妄業計苦行心卽是煩惱如是妄想寧是解脫因耶四三際輪迴門謂旣以前際一支是中際五支因中際三支是後際二支因何得言無因耶四求異解脫者謂不識真解脫求三界苦等爲解脫故眞解脫者有四種相一離一切苦相二無爲相三遠離染相四出世間相此四卽涅槃樂常淨我故下四段破之一卽第七三苦集成但有妄苦而無真樂二卽第八因緣生滅無有常德三卽第九生滅繫縛但是染縛無有淨德四卽第十隨順無所有盡以順有故非是

撰述

華嚴疏金卷之一

出世故無我德也。此之四觀下。一出四所以亦據四門之別相也。

疏第三一切相智觀攝十爲九。一染淨分別觀攝初半門。二依止觀攝初門後半及第二門。三方便觀四因緣相觀。五入諦觀。六力無力信入依觀。七增上慢非增上慢信入觀。上五門如次各攝一門八無始觀攝八九二門。九種種觀攝第十門釋相差別至文當知。鈔第三等者。一計我緣生爲染無我緣滅爲淨。二依止觀攝初門次半及第二門者。謂初門有二佛子。從後佛子明迷真起妄緣相。

次第半門明依第一義以不知故卽起諸緣是爲染依第二門明見第一義諸緣轉滅便爲淨。依三方便觀卽第三自業助成門。謂因緣有支各有二業爲起後方便若滅前前則後後不生。是解脫方便四因緣相觀卽第四不相捨離門。謂有支無作故旣由前前令後後不斷。助成後後則後後無性。何有前前能作後後卽以無作爲緣之相。五入諦觀卽第五三道不斷門。二道苦集諦故逆觀卽滅道故。六力無力信入依觀卽第六三際輪迴門。謂此三際爲因義邊。名爲有力。爲果義邊。名爲無力。

撰述

華嚴疏鈔卷之一

若約三際前際於現五有力。於當一無力。中際憂等於當有力。於現無力。以斯三際化彼凡夫。令信入依行。七增上慢信入觀節第七三苦集成門。不如實知微苦我慢卽增上慢。若知微苦。非增上慢。不知令知名爲信入。八無始觀此有二意。一約俗說。因緣爲生滅之本。生死無際。故因緣無始。二約真說。見法緣集無有本性可爲依止。故名無始。攝八九二門者。第八門因緣生滅但一念緣生節是不生。故云無始。第九門隨順轉故而生。非有本也。九種種下。卽隨順無所有盡門。由隨順有故有欲。

色變等之殊。故云種種。

疏然其三觀俱通二利。若隨相分別相諦觀。卽自利。次大悲觀明其利他。一切相智通於二利。於中分別復各不同。前五自利。次二利他。後二二利成熟。鈔於中已下別明。言次二利他者。卽六力無力及七增上慢皆令他信入故。

疏前五中。初二通染淨。一示染淨相。二示染淨。依後三唯觀染。於中初二建立染法。一染法之因。二染法之緣。後一就染觀過。鈔初二通染淨。初門名染淨分別故。次門迷爲染依。悟爲淨依。故疏列

撰述

華嚴論鉢卷之一

云。一示染淨相。二示染淨依。後三唯觀染。以第三方便觀。一染法之因。自業助成故。上文云亦解脫方便者。約逆觀說。本明染法。一染法之緣者。卽第四因緣相觀。前約二業。親能生後。故說爲因。今約助成。不相捨離。故說爲緣。後一就染觀過者。以入諦觀。正約順觀。但苦集故。

疏次一利他中。初一化凡。後一化小。鈔次二利他者。一有力無力。令凡信入。能所生義。卽增上慢。非增上慢令小信入。以微細行苦。二乘不知故。

疏後二利成熟中。初真諦觀見法緣集無本性

故名爲無始。後俗諦觀。但順緣轉。故云種種。鈔初真諦觀者。上釋無始。雖通二義。約真爲正。故後俗諦觀者。有種種故。

疏已知大意。次正釋文。依經十段。而並以論三觀次第釋之。更無別理。鈔已知大意下。次正釋文。於中有三。一總示釋疑。言而並以論三觀等者。由古德解釋。總有四重。一直釋經文。後三方依論。三觀重釋其義。不知直釋名爲何觀。既別無觀。如何異論。設有別觀。又不出名。亦令論王釋未盡理。故云。但以三觀釋之。更無別理。

撰述

華嚴疏錄卷之一

七

七

疏經之十段前五佛子。次三復次後一又字。以爲揀別。唯初門中。中間有一佛子。

疏今初有支相續門。先依相諦差別觀。二段之中當成答相二字。卽分爲三。初至則無生處辨定無我。卽論明成謂雙舉解惑釋成無我故。則知緣集但是妄我。二復作是念下。倒惑起緣卽論明答謂對難釋通無我義故。三後佛子迷真起妄緣相次第。卽論明相。鈔今初有支下。三依論科釋於中亦三。初依論正科。

疏此三若望十門皆顯妄我非有。三自相望答之。

爲二。前二顯起因緣明緣無我後一起緣次第。明緣有相經依此義中間加一佛子。皆有染淨。

疏今初成者。將觀緣起先釋成無我辨定所宗。一以貫諸則顯十門皆成無我。此是正破我執習氣。鈔今初成者下。正釋經文。此是正破者。二辨定所破。卽唯識第八釋外難頌。難云若無外緣。云何有情生死相續。故有頌曰。由諸業習氣。一取習氣俱前異熟既盡。復生餘異熟。釋曰下取意釋熏習氣分。名爲習氣。卽是種子。諸業習氣。卽罪等三業。二取習氣總有四種。一相見。一名色。三心及心所。

撰述

華嚴疏錄卷之一

四本末第八異熟名之爲本。六識異熟名之爲末。業是增上緣。二取因緣。互相助成。故生死流轉。此第一師義。第二師云。生死相續。由諸習氣。然諸習氣總有三種。下亦義引。一名言習氣。二我執習氣。三有支習氣。謂招三界異熟業種廣如下明。名言習氣前已頻引。卽下經云。於三界田中植心種子。言我執習氣者。下具引論文。謂虛妄執我我所種子。我執有二。俱生我執卽修所斷我我所執。二分別我執卽見所斷我我所執。隨二我執所熏成種。今有情等。自他差別解云。然俱生我執通六七。

識分別我執。唯第六識。因我執故相分之中。亦薰五蘊種子。卽名言薰習我執種子。令自他差別。故別立之。有支我執皆增上緣。頌明二取習氣。卽我執名言取我我所及取名言。故皆名二取釋曰。今經破此我執亦卽俱舍頌說前後中際爲遣他愚惑以三際愚俱愚我故。如下三際輪迴中釋。瑜伽論中亦遣三際愚惑於我與俱舍同。又云遣三際愚。遣內無知。若遣非情無知。卽遣我所故。今破二我以顯二空。

作是念。世間受生皆由着我。若離此著。則無生處。

601234567897012345678980123456789

撰述

聖嚴真錄卷之二

疏文中一句。初言世間受生皆由著我者。卽反舉惑情明我非理。但是苦集故。若離此著。則無生處者。卽順舉解心明理非我。是滅道故。此直順經文已無我義成矣。但是苦集者。世間受生。卽是妄苦。著我之心。卽是集因。是滅道者。若離此著。即是道諦。則無生處。卽是滅諦。

疏論經言。受身處生者。以我執習氣。但令自他差別。故論云。五道中所有生死差別。若五道差別。自由業招耳。鈔論經言下。一舉論經會釋於中四意。一舉論經。一以我執下。以唯識意釋成論經。唯

識論云。隨二我執所薰成種令。有情等自他差別。故論云。下舉本論自釋。既言五道之中所有生死。明是二道中。自他之身差別義耳。若五道下。以業習氣成上。我執但令自他差別之義。謂業能令自他共有。若人天苦樂六道。卽有支習氣。若我執習氣。亦二取攝。已如上辨。

疏又論。王反徵惑情顯成無我。初徵著我。凡應同聖過。云。君第一義中。實有我相者。此按定所執著我之心。卽是第一義智。此反以縱立。謂稱實我知故。次云。不應世間受身處生者。以理正徵。謂

撰述

華嚴疏錄卷之一

若我是滅理。著心是道。則凡應同聖得於涅槃。何以著我世間受生耶。此中應爲立過云。若第一義中實有我者。凡應同聖爲立宗。以有能證第一義中實我智。故爲出因。如諸生盡聖人爲同喻。此則凡應同聖。凡既同聖。卽無凡夫。復成一過。鈔初微著我下。先依百論縱奪以破。於中二意先標舉。若第一義下。二舉論牒釋。然論但云。若第一義中實有我相者。著我之心。卽是第一義智。次云不應世間受身處生。今疏節論以爲三段。兼疏有四。初句案定。次句縱立。三以後句正徵。四何以著我下。

卽疏舉經反質結破。但觀向引論文。自分主客。云何縕破。然有二意。一結成縱破。縱其有我已成過故。舉經反成。二著我旣世間生明。知著我之心。非第一義智所著之我。非第一義明理無我矣。卽奪破其我。此中應爲下。二依因明立量破。疏文已具。然總意云。謂第一義我是有法。凡應同聖是宗法。以我是持自性法。有彼凡應同聖宗中法。法與有法和合爲宗。因云以有第一義中實我智故。同喻如生盡聖人。上三支已具。凡應同聖。此句合結應云。生盡聖人有實智。生盡聖人是聖人。凡夫旣有

撰述

聖經疏卷之一

實我智。同彼聖人是聖人。而言生盡者遮不定過。若但云聖人恐有難云爲如須陀洹。七反受生之聖人耶。爲如羅漢我生已盡之聖人耶。故定取後句。大乘頓悟八地已上卽同羅漢漸悟初地許其生盡從凡既同聖下例成一過。凡應同聖是雜亂過。今無聖人是斷滅過。

疏次反徵後句明聖應同凡過云。又復若第一義中實有我相者。若離著我應常生世間以不稱實同於妄執非第一義智故。此中應爲立過云。以理實有我聖應同凡爲宗。次聖證無我違理倒惑。非聖智故爲出因。如諸凡夫爲同喻此則結成聖塵同凡過聖既同凡則無聖人復是一過。鈔又復下牒論解釋然論但云。若第一義中實有我相者若離著我則應常生世間。今疏亦有兩重解釋文小異前而分爲三。初以百論縱奪勢釋。然準前論亦應有三而文稍畧。兼疏爲三。初案定所執二。若離下卽以理正徵三以不稱實下疏釋論意卽同前第二反以縱立而論含在前。若離此著句中謂第一義中實有我。以爲眞理。今離著我則不稱理。同於凡夫違理妄執斯卽縱成。此中應爲下二。

立量破應云第一義中實我是有法聖應同凡足是
宗法因云以有無我迷理倒惑故同喻云如諸凡
夫則三支已具疏云此則結成聖應同凡者卽合
結也應云凡夫有倒惑凡夫是凡夫聖人有倒惑
同彼凡夫是凡夫成雜亂過次云聖既同凡下例
結一過成斷滅過

疏是以經云若離此著則無生處則反顯妄情定
是過也。鈔是以經云下三舉經雙結反質以破
言雙結者雙結百論因明結百論者謂縱其有我
聖應同凡爲縱破今離我不生明定無我卽是奪
過也。

破結因明立量但是縱成其過是他比量今舉經
無我則彼量不成謂離我既不受生則知第一義
中定無有我安有智故疏結云反顯妄情定是
過也。

疏二過既成則無我理昭然可見。

○疏第二倒惑起緣卽論明答答外伏難故兩難二
答一執情徵理難情乖正理答二常求下執相徵
實難相不依我答今初難云若實無我云何著我
如空中無人豈計有人旣著於我不著無我明知
有我答云由無智故於無我處執著於我非由有

撰述

華嚴疏錄卷之二

我如翳見空華。豈空中有華。第二難云。若實無我。何以貪著於我世間。受生爲緣。次第明知有我。方謂爲緣。次第生起。答云。正由無我。計我癡愛爲本。倒惑造業。乃至老死。何要我耶。答意正爾。

疏就文分三。初明倒惑順起染緣。二此因緣故下。正智逆觀結酬無我。三菩薩如是下。就人結觀。疏今初然十一支。卽爲十一別。亦無間然。而諸論中多攝爲四。一能引支。謂無明行能引識等五果種。故二所引支。謂識等五是前二支所引發故。三能生支。謂愛取有近生。當來生老死故。四所生支。

卽生老死是愛取有近所生故。此約二世一重因果。明生引別。若依三世兩重因果。則生引互通。今經並具。鈔今初下。以義收束。瑜伽對法皆同爲四。今依唯識第八論文。未盡下疏具之。然能所引皆在因中。能生所生。因果對說。故唯識第八明十五依處。建立十因中。三習氣依處。謂内外種未成熟位。卽依此處立牽引因。謂能牽引遠自果故。今取起種。但名能引。其能所生。卽彼論云。四有潤種子。依處。謂內外種已成熟位。卽依此處立生起因。謂能生起近自果故。正當今文。愛取有三。是已潤

故此約二世下會通經論若準唯識二世小乘今

按下經具明二義言生引互通者無明行中有愛

取有愛取有中。有無明行識等五果。卽生老死俱

是果位。並如下說。

復作是念。凡夫無智執著於我常求有無。
疏且依十二支分爲五。初至有無辨無明支。鈔
且依十二者。以此經中次第行列故。又欲總收二
世三世。故然就經文且合分五。

疏無智是癡。常求有無。卽是有愛。鈔無智是癡。
下畧釋故論云。此示無明有愛。是二有支爲根本。

故有愛卽三有之愛也。亦同涅槃生死本際。凡有
二種。一者無明。二者有愛。是二中間卽有生老病
死。

疏然依三世諸惑。謝往總名無明。畧舉發潤。有支
本故。若約二世雖諸煩惱皆能發潤。而發業位無
明力增。故名無明。鈔然依三世下通難釋成應
有難云。既舉二支爲有支本。那得上判唯屬無明
故爲此通。初依三世。卽俱舍云宿惑謂無明。則過
去若無明。若愛皆名無明。一依二世。卽唯識文諸
惑皆能發業。豈無愛耶。

疏唯取能發正感後世善惡業者以爲其體。鈔唯取能發下正出其體卽唯識初能引後彼論具云。此中無明唯取能發正感後世善惡業者。卽彼所發乃名爲行。由此一切順現受業別助當業皆非行支釋曰。卽彼已下出行支體下文方用。故引此無明體是見道全修道一分。

疏希常爲有於有樂事欲常住故求斷爲無於有苦事願斷滅故。鈔希常爲有下以論釋經論云是中無智至有無者。希求常斷餘文疏釋。

不正思惟起於妄行行於邪道罪行福行不動行積

集增長。

疏次不正思惟至增長明行支文有七句。初三行過次三行體後一結成。

疏初云不正思惟者是行俱無明。涅槃說此爲無明因亦無明攝躡前起後故因果互舉。次句就人彰過謂起妄行者必是凡夫無明爲因求有造業故故初地云。凡所作業皆顛倒相應。反示菩薩勝義。謂菩薩雖行於有起於善行以明爲因不求有造不名妄行下句就法彰過論云示於解脫處不正行故若行涅槃路方爲正道。鈔初云不正者

此有二意。一者爲無明支通諸煩惱已如前明。今取正起行時迷於行過卽行俱無明。非前發業無明支攝。涅槃說者取第二意爲無明支要與行俱獨頭起者非無明支則此一句猶是無明。故下疏云。躡前起後論經但云恒隨邪念妄行邪道。邪念卽是無明異名。是故論云。恒隨邪念示無明因。遠公釋云。明行用無明爲因。言涅槃者卽三十七經南經二十二迦葉菩薩品。因說無明是一切諸漏根本迦葉菩薩言。世尊如來昔於十二部經說言不善思惟因緣生於貪欲嗔癡。今何因緣乃說無

明。佛言善男子如是二法互爲因果互相增長不善思惟生於無明。無明因緣生不善思惟善男子其能生長諸煩惱者皆悉名爲煩惱因緣親近如是煩惱因緣名爲無明不善思惟。釋曰。既互相生故卽無明。瑜伽問云。若說無明以不如理作意爲因。何因緣故於緣起教中不先說耶。答彼雖是不斷因。非雜染因故所以者何。非不愚者起此作意依雜染因說緣起教無明自性是染汙法不如理作意自性非染汙故。彼不能染汙無明然由無明力所染汙。又生雜染業煩惱力之所熏發業之初

撰述

華嚴疏錄卷之一

三

因謂初緣起。是故不說不如理作意。釋曰。若瑜伽意。則前凡夫無智。是起業無明。不善思惟。非無明體。不立爲支。今明能生無明。亦無明攝。瑜伽起體。此經從通。言躡前起後因果互舉者。此中正明行支。卽無明緣行。故云。躡前起後。卽舉其因。前正說起業無明。卽舉其果。故云。互舉。若準涅槃。無明能生不善思惟。則知無明亦有因義。正爲支體。不可說。因耳。次句就人彰過。疏文有四。一釋經。二故。初地下引證。既言顛倒相應。卽是求有。迷三界苦。謂爲樂故。三反示下。卽是論釋。四謂菩薩下。是疏釋論。

論卽唯識諸門分別中。第六有漏無漏門。謂有支。皆是有漏。無漏。非有支。故菩薩勝義。卽是無漏。亦是第十一學無學分別門。故彼論云。一切皆唯。非學無學。聖人者。所起有漏善業。明爲緣。故違有支。故非有支攝。由此應知。聖必不造。惑後有業。於後苦果。不迷求故。故今疏文用於彼意體虛不眞。故云。妄行。菩薩善知。故不名妄。若行涅槃下。是疏釋論。

疏次三句辨行體。相以三業相應。思造三行故。謂由迷異熟。愚違正信。解起惑。三塗惡業。及人天。天別

撰述

華嚴疏錄卷之一

報苦業皆名罪行。然別必兼總。唯感別報。非行支。故由迷真實義。愚不知三界皆苦。妄謂爲樂。起欲界善業。名福行。八禪淨業。名不動行。鈔以三業相應者。總出業體。亦卽唯識第八三性分別門。大乘三業。皆思爲體。動身之思。名爲身業。發語之思。名爲語業。思之當體。卽是意業。三行。卽是經中三句。皆通三業。則通色非色位。謂由下顯三業。相然愚畧有二。一迷異熟義。愚初愚謂迷。當報不知善惡。感當苦樂。故於現在恣情造惡。謂殺生等。有三品。故成三塗因。如二地說。及人天。

者五戒及下品十善。是人總報之業。前曾損他感諸根缺等。卽是別報。曾決罰他。亦招此報。故爲苦業。然別下釋。感別報。非屬行支義。唯識亦云。由此一切順現受業。別助當業。皆非行支。以無明支。於發業中。有能通發總別報者。有能但發總報之者。亦有但發別報之者。唯取初二爲無明支之所發。起行支所攝。第三非是行支所攝。故疏揀云。唯感別報。非行支故。由迷真實者。卽第二愚。三界苦果業。惑是集。卽道理勝義。故名真實。今謂苦爲樂。迷業是集。故起福行。八禪淨業。亦是此愚。

俱述

華嚴疏錄卷之二

疏後句結成行支謂作已無悔積集增長有遷流
於諸行中植心種子有漏有取故

疏次於諸行下明識支謂既發行已由行熏令此本識能招當來生老死故名之爲種若無行熏終不成種故云於諸行中植心種子

疏即是所引識等五種於一刹那爲行所集無有前後約爲異熟六根之種名六處支爲異熟觸受種名觸受支除本識種爲識支體及此三種諸餘異熟蘊種皆名色支故無前後因位難知但依當起分位說五有殊五不離心但名心種又隱餘四就現說故鈔即是所引下一總明五種是所引支約爲異熟下一別示五相既云此五起無前後故不依次而論具云此中識種謂本識因除後三因餘因皆是名色種攝後之三因如名次第卽後三種釋曰三因卽六處觸受疏已別配識支即是第八識種。當異熟親因緣故因位難知下三通妨難謂有難言旣無前後何以先識後觸受耶故爲此通五不離心下會釋經文旣有五種何以但名植心種子故爲此釋而有二意一約總別云不

60 1 2 3 4 5 6 7 8 9

70 1 2 3 4 5 6 7 8 9

80

離心二約隱顯兼會今疏。但名此段爲識支故識等五支皆通因果識則顯因隱果四則顯果隱因後果但說生名色芽不說識故。

疏然唯識論中但識等種以爲所引而集論中說此識支通於能引正取業種爲識支故識種乃是名色支攝緣起經說通能所引業種識種俱名識故識種但是名色所依非名色故不同集論鈔然唯識下第二會通集論欲顯不同故舉集論識爲能引是彼所立正取業種是出所以以行熏心招當果識故爲識支若爾識種何收故云名色名

色寬故業種識種下二正辨所立由業重識招於當識故以二種名爲識支業種能引識種所引共爲識支識種但是下三出彼難意結彈集論言但是所依非名色體依根本識方說餘識有羯刺藍故爲果既爾爲因亦然

疏今經意同緣起經說通取二故雙舉行識鈔

今經意下第二會今經故雙舉行識出同之文既言於諸行中植心種子義當識文明通取二疏論云此中起心種子者示生老死體性者謂未來二果以此識種爲親因故鈔論云此中下三

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

華嚴疏錄卷之一

申今論釋顯心偏得種名亦顯此是因緣之義。疏次有漏有取成上種義謂行及識等名言種子皆通無漏今與三漏相應故名有支如初地中以欲等門流起心種故有漏是愛有取是取愛取潤故能招後有鈔次有漏下疏文有三初總顯文意一如初地下引證彼經云欲流有流無明流見流起心意識種子三有漏下別釋經文既舉愛取種未潤時但名所引愛取潤竟故名能生復起後生及老死所謂業爲田識爲種無明暗覆愛水爲潤我慢溉灌見網增長生名色芽。

疏次復起下辨名色支初之二句文含二意一者成上種義由起生死心得種名二者總標後義現行名等皆生老死故卽同初地於三界田中復生苦芽。

疏所謂下別亦有一意一通約十二自至生名色芽是識生名色鈔後所謂下二釋別句總中言現行名等皆生老死者等取五果謂識名色六入觸受此五從初結生直至於受諸增長位總名爲生諸衰變位名之爲老蘊壞爲死不離此五依三世說現在五果卽是過去生老死也。

疏二爲顯前來已具十因。則辨有支。生於生死名色居初。次第辨耳。謂由前心等五種。有漏有取。愛取潤故。復起後有。是標有支生於二果。今別顯有支之相。鈔二爲顯下。此明二世一時而辨能生所生支於中有六。一畧標舉於中有三。初標十因生於二果。二名色下通妨。謂有問言。若生二果應云生生老死。何言生名色芽。答云爲欲顯於當來二果差別之相。次第說五。故識在於種。名色居初耳。三謂由下就經畧辨下別當具。

疏故唯識云。愛取合潤能引業種及所引因轉名

爲有俱能近有後果故。鈔故唯識下。二引論證成論文具云。三能生支。謂愛取有。近生當來生老死故。謂緣迷內異熟果愚。發生能招後有。諸業爲

緣引發親生當來生老死位五果種已。卽指前也復迷於外增上果愚。覆業無明緣境界受發起貪

愛。卽是愛支。緣愛復生欲等四取。卽取支也。愛取合潤能引業種及所引因。卽五果種轉名爲有俱

能近有後有果故。今疏畧引但取合潤成有義耳。○疏瑜伽第十。唯說業種名爲有者。此能正感異熟果故。如後段說三十八中。復說唯識等五名爲有。

撰述

華嚴疏錄卷之一

者親生當來識等五故。鈔瑜伽第十下三會通異解總有二文皆唯識論闡通瑜伽今顯引論名及次耳初唯說業種意云因是善惡果是無記名異熟果識等五種雖正爲因能生無力正生果故不得名有瑜伽問云何故不說自體爲自體緣耶答由彼自體若不得餘緣於自體雜染不能增長亦不損減是故不說卽斯意也如後段者後段經云取所起有漏業爲有是也三十八下卽第二意唯取五種意取因緣揀去業種增上緣故疏實則總有八支共立有名唯除無明通有成九

今經復加無明則通前十因共招二果鈔實則

總有八支下四結成正義業種爲一識等爲五則所謂有六是有支體麥取令潤如水入渠能所合論故言有八合八爲有有無別體故云假有卽唯識論諸門分別中假實分別論云十二有支九實三假一已潤六支合名有故一卽生死三相位別立生死故今當其一

疏若以十一是前世二果則一世中具十二矣鈔若以十二下五旁攝異門謂今世十因所依卽前世之二果故成十二然生老死離識等五雖無

撰述

華嚴疏金卷之一

四

別體增長衰變相有異故是假有故故成十二今文中無故云旁攝。

疏且約有支文有六緣。鈔且約有支下第六依文正解上二句標由上開二義今廢識生名色但取有生故云且約有支。

疏一業爲田即是行種望所生果但爲增上緣故鈔一業爲田下別釋即是行種者現行之業當念卽謝熏識爲種是所潤故望所生果者如田無種不能生故。

疏二識爲種卽是識等五種爲後生死作親因故

如世種植依田肥瘦然其菽麥隨自種生論總釋云隨順攝取罪福等行業爲地故此正明隨順於凌攝前行識之種而成有支也。鈔二識爲種者此識爲種以識等五末至現行卽名言種望於後世生死之果是因緣故故云親因此卽自體緣起也次如世下雙喻上二若無業因識不成種故感苦樂唯善惡業是故識種三習氣中唯是名言非有支故。

疏三無明暗覆論主取前經無明故云前說無智暗障無明覆蔽此則依於等能發起遠爲助故亦

撰述

華嚴疏金卷之一

是舉於前世例今世故準唯識意。非前發業無明。即是覆業無明。亦是變攝。卽迷外增上果愚。又諸煩惱皆能潤故。以約十因同一世故。鈔三無明者。釋此一句就文分四。一舉論釋。二此則下釋論意言等能發起者。卽俱舍論等起之義論云。等起有一種。因及緣利那。如次第應知。名轉名隨轉。釋曰。初句標表無表色等起有二種。次句分別。一因等起。二緣等起。發業前心名因等起在先爲因。故與業俱心。名緣利那等起同利那時故。下句立名因等起心名轉。轉名爲起。將作業時能引發故。利那等起名爲隨轉。謂隨業轉。正作業時不相離。故解曰。今取業前無明。卽因等起也。故遠爲助。三引例釋。卽依三世爲例。前世無明旣具一切煩惱。今現變取之中。亦具諸惑故。四引他論。此之無明。亦是能潤變取所攝。前是發業無明。此是覆業無明。故不同。卽迷外增上果愚者。出變支中無明之相。亦唯識文如前已引。次又諸煩惱下亦唯識文爲成前義。又亦不局迷外增上故。唯識云。一切煩惱皆能潤業。而潤業位變取力勝耳。次以約十因者。十因同世必是生報之業能發能潤。一處俱故若。

那等起名爲隨轉。謂隨業轉。正作業時不相離。故解曰。今取業前無明。卽因等起也。故遠爲助。三引例釋。卽依三世爲例。前世無明旣具一切煩惱。今現變取之中。亦具諸惑故。四引他論。此之無明。亦是能潤變取所攝。前是發業無明。此是覆業無明。故不同。卽迷外增上果愚者。出變支中無明之相。亦唯識文如前已引。次又諸煩惱下亦唯識文爲成前義。又亦不局迷外增上故。唯識云。一切煩惱皆能潤業。而潤業位變取力勝耳。次以約十因者。十因同世必是生報之業能發能潤。一處俱故若。

釋述

喜慶疏鈔卷之一

遠公意無明有四。一迷理無明。義通終始。二發業無明。在於行前。三覆業無明。此在行後識前。四受生無明。與識同時。或在識後。或過去種子心識。在於識後。望能生識。與識同時。今是第四受生無明。疏四處水爲潤論。主指前常求有無之處。即是舉例。亦即是前標中。有漏以前。有處無明攝故。鈔論主指前者。故論云。常求有無處水潤故。明是指出前。今云即是舉例者。此中之處不異無明文中處。故亦即是前者。前云有漏是處。有取是取。故是此中處支。以前有處者。彼是無明中處。即是發業處耳。

今是潤業之處。故不同也。

疏五我慢溉灌者。即是取支。要數溉灌方生有芽。我語等取爲我慢故。若悟無我容不生故。鈔要數溉灌者。故唯識云。於潤業位。處力偏增。說處如水能沃潤故。要數溉灌方生有芽。且依初後分處。取二謂處初名處。處後名取。我語等者。卽上論云緣處復生欲等四取。釋曰。一欲取。二見取。三戒取。四我語取。今順經中我慢之言。先舉我語以等餘三。言欲取者。謂取五妙欲境故。瑜伽云。欲取云何。謂於諸欲所生貪欲。見取云何。謂除薩迦耶。見於

撰述

聖嚴疏金卷之一

所餘見所有貪欲戒禁取云何。謂於邪願所有貪欲我語取云何。謂於薩迦耶見所有貪欲有人釋云。戒謂惡戒禁謂牛狗等戒。我語謂內識依之說我故有餘師說我見我慢名爲我語。云何此二獨名我語。由此二種說有我故。我非有故說名我語如契經說苾芻當知愚昧無聞異生之類隨假言說起於我執於中無我及與我所。二云瑜伽亦云欲取唯生欲界苦果。餘三通生三界苦果。

疏六見網增長亦是取支見取攝故我見爲本。諸見生故令無漏法不能壞故名之爲網。云鈔令無漏下出見網名意網卽是喻已下種子復加上覆恐有蟲鳥羅之以網則禽獸不能侵今此已下生死之種更羅見網則無漏鳥獸不能侵損決定受生

疏論總釋云。如是住如是生心者。總顯生名色芽。由無明愛令上識種安住業地名色心生故。鈔論總釋者以論纔釋無明覆蔽故常求有無愛水潤故竟便云如是住如是生心故疏以此二句總顯生名色芽。謂識爲能住種業爲所住地愛取無明是住因緣故云由無明愛令上識種安住業地

誤述

垂露疏錄卷之一

七

八

此釋如是住下云名色心生者。釋如是生心。名色爲所生心上皆爲能生。

疏次却釋我慢彼經云我心溉灌論云我是我所我想是慢者謂我是我所釋我字以非但執我亦執行業是我所修故次我我想是慢者釋彼心字心卽想義依我起於我想以陵他故名之爲慢正同今經。鈔次却釋我慢者言却釋者經有六句方釋於四慢見未釋便卽總釋已竟更釋慢見故云却釋謂我是下疏釋論文。

疏次釋見網云我生不生生卽是常不生是斷斷

常爲本具足六十二見故末句云如是種種諸見也。鈔次釋見網者此中論文具云我生不生如是等種種見網餘是疏釋。

疏如初地中始於無明終至識支皆名邪見然遠公諸德皆云我我所者受生之時自見己身名之爲我見父母精血名爲我所又謂父母是我夫妻當受生時與父母競色謂已諍得便起勝想故名爲慢我生者我唯此處生不於餘處生此並通取中有求生之變於理無失。鈔如初地下引證意云初地從無明下有九句經皆名邪見今上六句

撰述

華嚴疏金卷之一

三

三

經文無明業識皆名見網。

疏然上諸句皆明能生生名色芽即是所生當報五果初結生蘊即是識支鈔即是所生下二立理合云生識故引俱舍意識正結生蘊故。

疏今以前辨識種隱於餘四今辨現行畧其總報所依欲顯識與名色次第相生義故復欲顯其通種現故故有隱現鈔今以前下初明隱顯五種但顯心種五現但顯後四五種得名望於五果豈得五果而無識耶故云畧其總報總報卽第八識大乘第八是識支體餘之七識名色支攝故依於

第八故云所依欲顯識生下二出隱顯所以所以有一二欲顯識緣名色故若種現皆五則識緣名色不成復欲顯下顯通種現通種異小通現異於唯識之義

疏然名色等必有所依本識故初地云於三界田復生苦芽所謂名色共生論云共阿賴耶識生故卽此後文云與識共生鈔然名色下後明名色與識不相離故如二束蘆先正明故初地下引證總引二文一引前經但云苦芽不局名色一引論釋旣名色共阿賴耶生則知名色依現行識三卽

60
1 2 3 4 5 6 7 8 9

70
1 2 3 4 5 6 7 8 9

80
1 2 3 4 5 6 7 8 9

撰述

聖嚴疏金卷之二

三

此下引文證次下當釋以此三文卽知此中具於二支隱於識支顯名色耳

名色增長生五根諸根相對生觸觸對生受受後希求生愛愛增長生取取增長生有有生已於諸趣中起五蘊身名生。生已衰變爲老終歿爲死於老死時生諸熱惱因熱惱故憂愁悲歎衆苦皆集。

疏五名色增長下辨六入等八支當起如後段明然此一段意欲答於受生所以故具出諸惑隱顯等殊不在顯相顯相在於後段鈔然此一段下出指所以以此段中未欲顯相故

此因緣故集無有集者任運而滅亦無滅者。

疏一約逆觀結酬無我初二句約生明無我但曰無明等集非由我集又上句揀無因下句揀邪因後二句約滅明無我利那性滅無使之然鈔下句揀邪因者以我爲因是邪因故此衛世意彼以神我爲作者故若僧俗師則以冥性而爲作者我是知者而非作者。

菩薩如是隨順觀察緣起之相。

疏三就人結觀如是觀者卽隨順緣起之理。

○疏第三迷真起妄緣相次第者卽論相差別也論

撰述

華嚴疏錄卷之一

云若因緣無我。以何相住。因緣集行。謂當相名住。生後爲行。故經意云。迷諸諦理。起相集耳。鈔論云下。論王假設外徵。謂當相下。是疏釋論。

疏然成答。相三通是有支相續。而兩重緣相差別。云何。畧有五異。一前約妄我起緣。卽迷我執此約迷諦起緣。卽迷真實義。鈔畧有五異下。五答顯包含。於中有二。先別明。一約所迷有異。前迷無我。卽迷真空。此迷真實義。卽是妙有。以文云。不了第一義故。

疏一前約緣起。此約緣次故。前通取十因一處共

起名色。此中一向單說次第。鈔二約起次不同可知。

疏三前通三世。二世以許十因同一世故。義取亦通五世。此唯三世。以名色等唯約現故。義取亦通一世。鈔三約世有通局。言義取亦通五世者。後段當明。言此唯三世者。此句標也。以名色等唯約現故者。出所以也。前段名色等五就種爲義。則是二世。後列五果皆約現行。卽果酬昔因。依於果上復起慶取招後生死。則有三世。今此段中既唯約現故。但有三義。取亦通一世者。至下當知。

撰述

華嚴經卷之二

三

四

疏四前文欲明三世並備於無明中。說有變取。於現在中。說無明故。此中三世互有隱顯。不許相通。鈔四前文者。四約緣有隱顯。言於無明中下。出備相也。無明在於過去。說有變取。則備三惑矣。行卽是有。未潤名行。潤卽有。故有二業矣。必依七苦別說爲五。總說爲一。故此明過去備十二矣。但舉經文無明之中。說有變取。例餘必有。言於現在中。說無明故者。明現在中具十二也。現在變取之內。旣有無明。則三惑具矣。則所潤有行已同過去。有於二支無明行也。現在八支。居然可知。增長衰變亦具生老死矣。

疏五前爲答難。此爲辨相。如論意故。鈔五前爲答難者。約答相。差別及取下結。並可知之。

疏有斯五異。兩處辨緣。共明相續。總破癡倒。故但束爲十門之一。

佛子。此菩薩摩訶薩復作是念。於第一義諦不了。故名無明。

疏文中亦二。初順後逆。鈔文中亦二。下釋文。然下釋名多依俱舍。俱舍與涅槃二十七義。則全同。小有別處。至文當知。

疏順中初無明支言於第一義不了者然十二支

皆依真起無有自性故下偈云觀諸因緣實義空

也而無明最初親迷諦理而起於行既橫從空起

不可復原故令無明特受迷稱鈔初無明支疏

文有三初辨得名意明次第辨下通難何於無明

偏受迷稱後而無明下答顯可知言顯次者瑜伽

問云何因緣故無明等支作如是次第答諸愚癡

者要先愚於所應知事次卽於彼發起邪行等此

無明約人迷理橫從空起

疏論經云諸諦第一義者卽四諦也故對法三五真
實義愚者謂迷四聖諦所迷卽是實義能迷卽愚
鈔論經云下二會論經以上云實義空則以真
空爲第一義準論經意乃是四諦爲第一義卽四
重勝義中道理勝義故次引對法證成論經亦順
湊槃我昔與汝等不識四真諦是故久流轉生死
大苦海故瑜伽中廣說無知歷一切法謂若內若
外若業若果佛法僧等皆是無明今畧舉四諦則
無所不攝

疏別有暗法名爲無明非但遮詮明無而已鈔
別有暗法下三出無明體性於中有二先正出體
外若業若果佛法僧等皆是無明今畧舉四諦則
無所不攝

別有一法是明所治後非但下揀濫此揀二義卽二師解謂一師云無明者謂體非明此卽遮詮如非有非無法體非是有無故第二師云應謂明無此但無彼明處卽名無明故今揀之非明無而已理則盡矣猶恐難見具引論釋俱舍第十論云無明何義問也謂體非明卽第一師非前智明若爾無明應是眼等釋曰難也眼等五根亦非智明故論云旣爾此義應是無智明也釋曰此第二釋謂明無之處卽名無明論云若爾無明體應非有釋曰難也若是明無之處名無明者無是無他體應

非有論云爲明有體

揀第二義

義不濫餘

揀第一

義頌曰明所治無明如非親實等釋曰上句明有實體謂此無明不了四諦明所對治名曰無明與明相違方名無明非是離明之外皆是無明故不同第一亦非明無之處名爲無明不同第二下句舉喻釋成論云如諸親友所治怨敵親友相違名非親友非異親友非親友無釋曰此以怨喻無明親友喻明非親友者卽是怨家怨有體矣言非異親友者非異親友之外餘人皆名非親友也此喻無明不濫眼等言非親友無者非無父母朋友卽

名非親友也。此喻無明非無體也。言實等者。以上非字貫下實等。亦如非實者。諦語名實。此所對治虛誑言論。名爲非實。非異於實。皆名非實。等亦非實無名爲非實。此明非實有體等取非法非義非事。如不善法。名爲非法。不善義。名爲非義。不善事。名爲非事。此與善法等相違。名非法等。皆明有體。非無故論結云。如是無明。別有實體。是名所治。非異非無。釋曰。非異。據初義。非無。據第二無明。若無有體。何能與行爲緣。經說無明能染於慧。令不清淨。明有體也。餘如彼說。

所作業果是行

疏二所作業果名行者。行支也。業卽罪等三業。是彼無明所起果故。故偈云。所作思業愚癡果。而論云。是中無明所作業果者。所謂名色者。此出果體。體謂行體。卽名色。故遠公釋論云。行有三業。意業爲名。身口爲色。故婆沙云。名色有二。一方便名色。二報名色。若云名色緣識。卽方便名色。若云識緣名色。卽報名色。今以行爲方便名色。鈔此出果下三疏釋論。以名色通爲生死之體。以無明等。是行蘊等。各別法。故各自有體。今行該通故取通體。

撰述

垂露疏鈔卷之一

以爲其體遠公釋下四舉古釋義無所違但引婆沙名色緣識此名色在因中識緣名色是六處別名則似名色與識有前後義大乘亦有互相緣義義則不然因果之中首二互相緣此是因中互爲緣義如下當說

行依止初心是識

疏三行依止下識支論云於中識者彼依止故彼卽是行此中語倒應上言依彼故論經云依行有初心識謂由行熏心有因果種乃至現行故瑜伽云因識爲緣相續果識前後次第鈔彼即是行下

二釋論謂由行熏心等者行謂罪等業唯識云此雖纔起無間卽滅無義能招當異熟果而熏本識起自功能卽此功能說爲習氣是業氣分熏習所成揀當現業故云習氣如是熏習展轉相續至成熟時招異熟果此顯當果勝增上緣釋曰但觀所引及下瑜伽疏文可知

與識共生四取蘊爲名色

疏四與識下名色支初一識字卽是現行識支識爲種邊唯是賴耶在現行位通於六識今揀現非種故云共生四蘊識蘊已屬所依識故鈔四與

撰述

聖傳金言卷之一

識下名色支疏文有三初正釋經言四蘊者謂色受想行則色蘊爲色三蘊爲名何以無識故次釋云識蘊已屬所依識支故上且順經

疏若言四蘊曰名羯刺藍等爲色則所依現行之

識亦唯賴耶鈔若言四蘊下二引異釋先引唯識卽第三論引經證有第八識下文當具引論文

言所依現行之識亦唯賴耶者以非色四蘊爲名則名支之中已有識竟故唯識云眼等轉識攝在

名中此識若無說誰爲識釋曰故以第八爲識支也恐有救云名中識蘊是眼等五識支卽是第六

識故故次論云亦不可說名中識蘊謂五識身識謂第六羯遷藍時無五識故釋曰大小共許初七日內無五識故故大乘以第七識爲名中識俱舍亦云名謂非色卽是四蘊然其識蘊意在第六又俱舍說唯約位說在於識後不說與識同時互依上云羯刺藍等者此云雜穢父母不淨爲雜深可厭患爲穢而言等者此上初位等餘四位故俱舍總云最初羯刺藍此云薄酪一也二云次生煩惱雲此云胞也三從此生閉戶此云軟肉四閉戶生健南此云堅肉五次鉢羅奢𠵼此云支節此之五

位皆名色支。此第五位亦六處攝下有三句。皆六處支偶云後髮毛爪等及色根諸相漸次而轉增皆第五位攝。若取一生皆名色攝則六處觸受皆屬名色故云等也。

疏瑜伽云。俱有依根曰色等無間依根曰名則通五蘊爲體。卽四七日來根未滿位。鈔瑜伽論下後引瑜伽俱有依根已見問明品。卽眼等色根與識同時。名爲俱有意取色根等無間依者要前念滅引生後念故。此卽瑜伽約三際出因緣體文。然此段論文數處引用今當具引。故彼論云云何緣

起體

此問也

答畧說由三種相建立緣起謂從前

際中際生從中際後際生中際生已若趣流轉若趣清淨究竟云何從前際中際生中際生已後趣流轉謂如有一不了前際無明所攝無明爲緣於福非福及與不動身語意業若作若增長由此隨業識乃至命終流轉不絕能爲後有相續識因此識將生果時由外貪愛正現在前以爲助伴從彼前際既捨命已於現在世自體得生在母胎中以因識爲緣相續果識前後次第而生乃至羯邏藍等位差別而轉在母胎中相續果識與名色俱乃

至衰老漸漸增長爾時感生受業名色與異熟果又異熟識卽依名色而轉由必依託六處轉故是故經言名色緣識俱有依根曰色等無間依根曰名隨其所應爲六識所依依止彼故故乃至命終諸識流轉又五色根若根所依大種若根處所若彼能生大種曰色所餘曰名由識執受諸根相續方得流轉故此二種依止於識相續不斷由此道理於現在識緣名色名色緣識猶如束蘆乃至命終相依而轉如是名爲從前際中際諸行緣起生中際生已流轉不絕當知此中依胎生者一云二云

何從中際後際諸行緣起生謂中際已生補特伽羅受二種先業果謂受內異熟果及境界所生增上果此補特伽羅或聞非正法故或先慣習故於二果愚由愚內異熟果故於後有生苦不如實知由迷後有後際無明增上力故如前諸行若作若增長由此新作所作業故說此識名隨業識卽於現法中說無明爲緣故行生行爲緣故識生此識於現法中名曰因識能攝受後生果識故釋曰此上一段論文三節疏要一出名色支體二亦證名色與識互依三證二世立三際義下文畧指應尋

此文卽四七日來者示其分齊。

疏論云名色與識共生故者此言據濫恐人誤謂名共色生故又云識名色遞相依故者釋前共義謂識由名色得起名色依識得存如水與塵互相依持以爲泥團亦如束蘆乃至命終相依而轉故上答文總名苦果爲名色芽鈔論云名色下三舉論釋共生之義然不示名色之相直說共生之義然論兩句相續云名色與識共生故識名色遞相依故今疏離而釋之則前句正釋共義初地經云名色共阿賴耶識生故又云識下出共所以云

釋前共義者卽上所引瑜伽之意亦同唯識第二證有第八之文論云又契經說識緣名色名色緣識如是二法展轉相依譬如束蘆俱時而轉若無此識名色自體不應有故謂彼經中自作是釋名謂非色四蘊色謂羯邏藍等此二與識相依而住如二束蘆更互爲緣恒俱時轉不相捨離眼等五識攝在名中此識若無誰爲識等釋曰上引論文具有三節初正證相依義二謂彼下前證四名故上云下當引論三眼等下前已引竟一段義周故復重引言如束蘆者如立二束之蘆二頭相依方

得安立去東西倒去西東倒名色與識互依其義亦然下第五門亦有此喻故上答文下引上爲證苦果總爲名色明知名色必共識俱也然上諸文已顯體相未知何獨此二相依瑜伽問云已說一切支非更互爲緣何故建立名色與識互爲緣耶答識於現法中用名色爲緣故名色復於後法中用識爲緣故所以者何以於母腹中有相續時說互爲緣故由識爲緣於母腹中諸精血等名色所攝受和合共成羯邏藍性卽此名色爲緣復令彼識於此得住釋曰二義之中前標卽通現果名色

與因識爲緣令識得住卽名色緣識義故上行文亦以名色爲體名色總故後義正辨入胎互爲緣義卽今文所用已知互爲緣相四蘊何獨皆稱爲名第一師釋云在胎蒙昧未辨苦樂微有名而已此依分位六處之前識支之後可爾既二相依從生至死皆名色攝何得稱名俱舍論云名唯行攝何四皆名總有四釋四蘊稱名之義一師云隨所立名根境勢力於義轉變故說爲名問云何隨名勢力轉變答謂隨種種勢共立名於彼彼義轉變詮表卽如牛馬色味等名問此復何緣標以名稱

撰述

華嚴疏錄卷之一

全

開

答於彼彼境轉變而緣解云已上論文此師意者如今時名隨於古昔名之勢力得於義轉變詮表或詮此境或詮彼境名爲轉變名既如此四蘊亦然謂受等四蘊隨根境勢力於境轉變而緣轉變如名故標名稱言轉變緣者謂緣此緣彼名轉變緣也第一師云又隨類名此解意者謂一切法不通二類一者色類二者非色類四蘊與名同非色類以似名故四蘊名名第三師云隨名顯故此解意者謂色法龕箸不須名顯如眼見也四蘊微細要須名顯必藉名故故標名稱也第四師云有餘名色增長爲六處

師說四無色蘊捨此身已轉趣餘生轉變如名故標名稱解云此師約捨身名轉變初師據緣境名轉變轉變雖同一釋別也釋曰上皆俱舍論疏不斷得失若取易知第二三師理易分明任情去取名色增長爲六處

疏五六處支謂四七日後諸根滿位六處明盛名增成意處色增成餘五俱舍云從生眼等根三和前六處鈔五六處支於中有三初正釋名增成意處者四蘊爲名之時未分識相今意識明了故名爲增故上唯識云在名中時但有第七今發第

撰述

華嚴疏金卷之一

合

六故名意處此增增名色增增多云成餘五謂堅肉時未分五根但名一色今色根漸具故開爲五俱舍下引證生眼等後三和前也

疏前段爲明意根本有云成五根耳鈔前段爲明下二解妨謂有問言前段經云名色增長則生五根今何得言名色增長爲六處耶故爲此通意根本有卽是七識故云生五根今但意增云成六處明意非新生故

疏俱舍十一五果之中前三胎內餘二胎外鈔俱舍十一下三總結分位通結前三小乘識支初

託胎時識明顯故羯邏藍等五位皆名色支卽從第五位至未出胎皆六處攝以第五位經時長故餘如前辨

根境識三事和合是觸

疏六觸謂觸對雖有三和於三受因尚未了知但能觸對鈔六觸者卽根境識三和所生能有觸對故名爲觸俱舍頌云觸六三和生觸雖是一據識分六小乘難云五識根境許同時起可得三和意根過去識居現在法或未來何得三和彼有二釋一云意法爲因發識爲果卽三和義二云意法

撰述

華嚴疏錄卷之一

三

四

識三同一觸果卽三和義上之一釋不約同世而說三和若大乘宗七爲意根俱得同世然薩婆多離三和外別有觸法是心所法若經部宗三和卽觸正順今文然此六觸攝之爲二前五名爲對觸意觸名增語觸觸雖無對所依眼等是有對故依主受名增語是名名能詮表增勝於語眼等五識唯緣青等不緣青名意識能緣青等亦緣於名從境立名名增語觸雖有三和下卽俱舍意頌云於三受因異未了知名觸三受因者謂三受境境能生受故名爲因卽出胎後三兩歲來卽未了三故

不名受

觸共生有受

疏七受支分別三受領納於觸名觸共生此前四支唯約現行鈔七受支俱舍云在淫愛前受謂五六歲去至十四五來已了三受因差別相未起婬愛但名爲受涅槃經云染著一愛名之爲受謂衣食愛俱舍頌云從此生六受五觸身餘心謂於六觸生於六受謂眼觸爲緣所生諸受等六中前五名爲身受依色根故色根聚集卽名爲身身之受故意觸所生名爲心受心之受故領納於觸已

撰述

華嚴疏錄卷之一

如前釋此前四支下總結行相若小乘說約位明
支五皆現行今就大乘識支通種故四現行
於受染著是愛

疏八愛支以三受中樂受纏縛希求故云染著卽
是中下品食此雖通緣內外二果諸論多取緣外
境愛增上果生鈔八愛支俱舍云食資具婬愛
謂十五六後貪妙資具婬愛現行未廣追求但名
爲愛然疏中云樂等纏綿希求等者等餘二受纏
綿約樂受希求通二故俱舍云從此三受引生三
愛謂由苦逼有於樂受發生欲愛或有於樂非苦

非樂受發生色愛或有唯於非苦非樂受生無色
愛卽是中下皆唯識文

愛增長是取

疏九取支雖攝餘惑而愛潤勝故說是愛增然上
二支通現及種鈔九取支俱舍云遍馳求名取
取謂貪也年旣長大貪五欲境四方馳求不憚勞
倦愛取別者初起名愛相續轉盛別立取名雖攝
餘惑下卽唯識論正是彼論會此經文然上二支
者愛支初起卽是現行當念卽能熏識成種依此
愛種而生於取取卽現行是故經云愛增爲取下

一撰述

華嚴疏金卷之一

會四緣中。憂望於取有因緣者。以憂種子增成於
取。取卽憂種之現行故。故同一貪初心爲憂。轉盛
名取。卽此憂種便是取種。是故二支皆通種現。
取所起有漏業爲有。

疏十有支。由四取心中所起諸業。故名有漏。此業
親能招當果故。名之爲有。此約三世不同。前段憂
取合潤業等名有。此前之業已隔現行名色等故。
鈔十有支者。俱舍論云。有謂正能造牽當有果
業。由馳求故。積集能牽當有果業。業名爲有。若言
有當果故。此則有者。但是有無之義。若言當有之
果。則有是三有。故唯識云。俱能近有後有果故。則
有有二義。一者能有彼果。二者當有。今能有彼。因
從果稱。故業名有。然唯識論雖約二世。有義不殊。
此約三世者。對前揅濫在文可知。

從業起蘊爲生

疏十一生支。約增上緣云。從業起始。從中有未衰
變來。皆名爲生。鈔十一生支。言約增上緣者。以
經云。從業起蘊名生。故業是善惡。生是無記異熟
果故。若約因緣。從二取種。親生於生。義如前說。始
從中有下彰其分齊。亦唯識文。言從中有者。中有

陰滅後有陰生故未衰變者四十已來若俱舍云
結當有名生從此捨命正結當有此位五蘊總名
爲生當來生支卽如今識當來生顯立以生名此
與涅槃一無有二故云現在識名生現在名色六
處觸受名爲老死據此經論生支位局唯初託胎
名色位後皆屬老死不同唯識。

蘊熟爲老蘊壞爲死。

疏十二老死卽諸衰變位名爲蘊熟。鈔十二老
死支疏文有三初正釋文諸衰變位者亦唯識文。
四十已後容顏漸衰卽屬於老若俱舍云至當受
老死義如生支說。

疏故上二支體通五蘊唯是現行鈔故上二支
者第二示體然上引俱舍彼約分位緣起一一支
下皆有彼位五蘊及無明顯故立無明名等言則
十一支皆具五蘊今從增勝有其不具故結此二
具五蘊也餘不結者隨本文體而爲蘊攝種現亦
然雖是於苦不同上識通於種現。

疏欲令生厭合五成二以顯三苦老非定有附死
立支別離等五餘時雖有死時多故偏就死說。
鈔欲令生厭下第三通妨畧有三妨一云未來生

死卽現識等何以現在立五未來立二俱舍通此但云畧果及畧因由中可比二現在五果未來說二故云畧果現在二惑過去說一無明故云畧因由中已廣故初後畧比二可知過此更說便爲無用上卽論意若爾何不初後目所不覩廣說因果可比於中是故應言示迷本際因合一惑現所起惑明示始終令其不行當相辨差明示五位當果令厭合爲老死然唯識論雖約二世亦有此問論云何緣所生但立生老死所引別立識等五支答云因位難知差別相故依當果位別立五支果位

易了差別相故總立二支以顯三苦則今疏文舍於二意欲令起厭合立二支卽是前意合立二支以顯三苦卽唯識意謂生顯行苦老顯壞苦死顯苦苦雅識雖約種現不同三苦生厭三世宜用老非定有者亦唯識文應有問言老位極長何不別立答意云謂有天逝不至老故死時等下三有妨云別離憂悲等自少及長皆悉有之何爲附在老死支中通云多故復應問言老旣不定附死立支病亦不定何不附立答云病又不遍兼不定故老遍三界故附立支諸趣界中除中天者皆有衰相

故復應問言。名色不遍。何故立支。謂色界全欲界化生六處。頓起何有名色。唯識答云。定故立支。胎卵濕生六處未滿定有名色。又名色支亦是遍有。有色化生初受生位。雖具五根而未有用爾。時未名六處支。故初生無色。雖定有意根。而不明了。未名意處。故有名色。由斯論說。十二有支。一切一分上二界有。即是唯識引於瑜伽第十文也。餘如前說。

疏然此一段有支。亦通一生前後建立。餘支可知。唯生一種通取於前耳。思之。鈔然此一段下。二以義重釋。謂卽於今生初迷諦理。二卽作業。三業依初心爲識。如下一念緣生。但通取一生長時。故云前後建立。言唯生一種通取前者。謂有問言。既云一生。生在初託胎時。今居有後。那言一生。故今答云。通取前來諸增長位。皆從有起。此有雖是過去之有。但取所生以成十二。亦可有支之後所起五蘊。卽名爲生。旣云義取。不可尅定。

死時離別。愚迷貪戀。心胷煩悶爲愁。涕泗咨嗟爲歎。在五根爲苦。在意地爲憂。憂苦轉多爲惱。如是但有苦樹增長。

撰述

華嚴疏錄卷之十一

疏後逆觀中。一結是苦樹。謂無明行引識至受爲苦芽。愛緣引受至有。是守養生老死爲苦樹。從芽守養是增長義。又於現法中。無明造業爲小苦樹。若愛取潤則得增長。不潤尚滅。況更增耶。又初二爲根。次二爲身。次三爲支。次三爲華。後二爲果。鉢後逆觀中。初結成苦相有三節。一。二世因果相。望。唯取七苦爲苦樹。惑業五因爲苦緣。五種爲苦芽。二果爲樹。此瑜伽第十二。又於下以因爲果。云於現法中。現法之時。亦是二世之義。若愛取潤則增長者。亦潤行種及識種耳。三。又初下通取十二。

緣。若因若果。爲一苦樹。無明發業故。爲苦樹根。若不發業不受。後有果故。識與明色爲苦樹身。以識與名色從因至果。互相依持。爲生死體故。次六入觸受。依名色上開顯增長。對境領受。如技依身而開別故。約二世說。但是因中約果說耳。次愛取合潤成有。決定當生。故喻如花。上十爲因故。後二是苦果。上三皆依二世後之一釋可通三世。依過二因。招識名色之體。而爲樹身。六入觸受。現行開顯等爲枝。已是苦樹竟。依上復起當因。故三爲花。感當二果爲苦樹果。則雖是一樹。義有兩重。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

無我無我所

疏無我無我所結成無我。

無作無受者

疏無作無受結成於空。

鈔無作無受下三結成於空者經有者字則似人空人空卽上無我今無

作受之體在因爲作在果爲受能作能受卽是於我所作所受同號我所然我爲能作唯勝論義若數論師我非能作冥性能作既能作望我有同不同所作受等非局我所則自在等亦名作者故該一切因果之法名爲顯空是則無明亦爲能作行

爲所作又行爲能受識等爲所受則亦無性皆悉空寂。

復作是念若有作者則有作事若無作者亦無作事第一義中俱不可得。

疏復作是念下以我況法結成勝義故鈔復作下四結成勝義者上顯無病所病有異今明空理一理無差故異上空。

疏故瑜伽說由十種相緣起甚深六義依無常一義依苦一義依空二義依無我鈔故瑜伽說下二總顯甚深於中有三初總標初言甚深者瑜伽

第十問云。如世尊說緣起甚深。此甚深義云何應知。答。由十種相應知緣起甚深之義。謂依無常義苦義空義無我義釋曰。下直釋十義。但云依無常義者便列十義。今疏取下釋意便總配云六義。依無常一義依苦等。

疏今初一從自種子亦待他緣二從他亦待自三俱從無作用四此二因性非不是有此四義卽前段中但因緣故集無有集者五雖無始其相成就而剎那滅六雖剎那滅而似停住此二卽前任運而滅亦無滅者一義依苦者一味苦相而似三相

故結云苦樹一義依空者謂離有情作者受者然似不離顯現卽今無作無受二義依無我者一雖實無我似我相現卽今無我我所二依勝義諦雖不可說而言諸法自性可說卽今復作是念已下經文十義備矣。鈔今初一從下二別釋初釋無常六義然此文難解如從自種子亦待他緣與第二句從他亦待自二句何別故每句中皆有兩義從自種子是自生義亦待他緣不自生義下三例之故雜集第四云。又諸法不從自生亦不從他生。不共不無因。生非不自作。他作因緣生是故甚深。

故不自生亦從自生。不他生亦從他生。不共生亦從共因緣生。上三句中皆有二義。若唯自種生。非曰甚深。若唯不自生。亦非甚深。故一句兼二方曰。甚深正同。中論因緣所生法。卽空卽假。卽中之義。雜集釋不自生等。自有二義。至第八門當知下總結云。若緣起理。非自非他。遣雙句者。猶爲甚深。況總亡四句。是故緣起最極。甚深釋曰。不見此論。瑜伽難了。故從自種子。是自生義。亦待他緣。卽以他遣自義。二從他者。是他生義。亦待自者。以自遣他義。三俱從者。共生義。無作用者。以無性遣共義。四是故無常餘文可知。

疏由前緣相皆是似義。故逆觀中直顯真實。性相無礙。故爲甚深緣起之觀。正在於此。鈔由前緣下。初約真實智。故瑜伽云。應以幾智知緣起耶。答

撰述

華嚴疏錄卷之一

以二智謂法住智及真實智云何真實智謂如觀甚深義然瑜伽甚深之義皆性相對說如云從自種子是相亦待他緣是性謂以他破自顯不自生餘如上說今經逆觀唯顯不自生義不顯從自種子義以從自種子即是識爲種復起後有生及老死故此不說十義皆然故云由前緣相皆是似義十箇似義皆在相中故特由性相無礙故曰甚深云正在於此。

疏又無作作者卽顯緣生非天人作若佛出世若不出世安住法性法住法界故於此一觀已爲甚

深況加後二鈔又無作作者下二約法住智結成甚深故瑜伽云云何法住智謂如佛施設開示無倒而知次重微釋云如世尊言是諸緣起非我所作亦非餘作所以者何若佛出世若不出世安住法性法住法界云何法性等答是諸緣起無始時來理成就性是名法性如成就性以無顛倒文句安立是名法住由此法住以彼法性爲因是故說彼名爲法界釋曰但觀論文疏自明了

△疏二約大悲隨順觀者四觀之中此第一門卽當第一愚癡顛倒觀論總釋云隨所著處愚癡及顛

撰述

華嚴疏錄卷之一

倒此事觀故謂十二因緣是所著處。癡迷性相倒執我所下別釋意明癡隨所迷立二顛倒一從初至則無生處明迷緣性之無我執我成倒以著我故則世間生明是顛倒若離此著則無生處反顯此著必是顛倒。二復作下竟初一門明愚緣相之緣生疑惑顛倒謂無智故常求有無滯斷常之二塗故云疑惑致緣相之相續明是顛倒今菩薩順彼衆生愚倒之事起悲觀察名爲事觀。鈔論總釋下初總釋也先舉論謂十二下二疏釋論遠公亦云不緣無我故曰愚癡謬執有我稱曰顛倒此

言小局下別釋下二別開二倒前意由迷緣性故是愚癡無我執我故是顛倒以著我下論舉經意明倒所以第二意明迷於緣起不知從緣無真實故卽是愚癡疑惑不決卽是顛倒謂無智下以經釋成無智求有釋成愚癡滯斷常下釋成疑惑致緣相之相續釋疑是倒義今此菩薩下三却釋總中事觀二倒相智觀九觀之中此門攝第一觀全八疏三約一切相智觀方明故在後釋。

及第二之半謂初成答二文名染淨分別觀此有二意一著我爲染離我爲淨一著我故緣相生爲

染離我故緣相減爲淨後相經文卽屬第二依止觀謂雖依第一義以不知故卽起諸緣是爲染依見第一義諸緣則減便爲淨依相諦觀中不知故成緣相大悲觀中不知便爲顛倒鈔二約一切相智觀文中四一彰門所攝言及第二觀之一半者第二卽依止觀依止有二一依第一義卽是相續二依一心卽第二一心所攝門第一義一心故但半耳謂初成答下二別顯二觀初染淨有一前意約因後意約果卽雜集等染淨義相諦觀下三舉其二觀顯此爲勝以前二觀但有不知今具知不知爲染淨故深細也

疏然上相續一門經文無二隨義分三初明倒惑起緣實無有我成一切智觀次順癡倒事成道相智觀後委究解惑染淨性相成種智觀又初順根本次順後得後卽無礙雖無我所不壞相故而起大悲能所本空悲而無著雙窮性相不滯自他三觀一心成無礙智甚深般若寧不現前一門尚然況加餘九鈔然上相續下四總結一門深廣之相於中有三初成橫對三乘三智三智之義前已配屬又初順下二局大乘三智然通因果雖無我

撰述

華嚴疏鈔卷之一

所下三融其三智而成一心。初空卽假故不礙起悲。二能所下假不礙空悲而無著。三雙窮下中卽空卽假不滯自他自卽根本。他卽後得四三觀下總結無礙成般若因。五一門下結歎深廣。

佛子此菩薩摩訶薩復作是念三界所有唯是一心疏第二一心所攝門中然此一門乃含多意且分二別一攝末歸本門二如來於此下本末依持門今初依論三觀初約相諦卽當第二第一義諦觀論生起云云何第一義差別如是證第一義則得解脫彼觀故此明修觀所以以第一義是緣生之

性若見緣性則脫緣縛故修彼觀而論經雖云皆一心作意取能作一心故云第一義觀鈔而論經雖云下後釋立觀所以以若取三界虛妄卽是所作便屬世諦今取能作爲第一義。

疏論云但是一心者一切三界唯心轉故此言則總轉者起作義亦轉變義鈔論云下二論釋經從此言則總下疏釋論上取觀名唯是能作今云三界唯心轉故則通能所然能所有二若法性宗以第一義隨緣成有卽爲能作所有心境皆通所作以不思議熏不思議變是現識因故若法相宗

撰述

華嚴疏鈔卷之一

第一義心。但是所迷非是能作。有三能變。謂第八等。故一卷唯識論云。又復有義大乘經說三界唯心。唯是心者。但有內心。無色香等外諸境界。此云何知。如十地經說三界虛妄。但是一心作故。心意與識及了別等。如是四法義一名異。此依相應心說。非不相應心說。心有二種。一相應心。所謂一切煩惱結使受想行等。皆心相應。以是故言心意與識及了別義一名異。故二不相應心。所謂第一義諦。常住不變。自性清淨心。故言三界虛妄。但一心作是相應心。今依法性。故云第一義心。以爲能作。

言轉者。起作義。亦轉變義者。卽唯識意。彼論第二總釋三能變云。能變有二。一因能變。二果能變。釋此二變。皆云生起。故彼論云。一因能變。謂第八識中等流異熟。二因習氣等流習氣。由七識中善惡無記熏令生長異熟習氣。由六識中有漏善惡熏令生長。釋曰。種子生現行名。因習氣於中有二。先標後釋。等流卽七識中三性種子各生自現。唯除第八不能熏故。異熟習氣唯除第七。七是無記。非異熟。因前是因緣。此增上緣。論云。二果能變。謂前二種習氣力。故有八識生現。種種相釋。曰。卽前二。

60
1 2 3 4 5 6 7 8 9

70
1 2 3 4 5 6 7 8 9

80
1 2 3 4 5 6 7 8 9

撰述

華嚴論卷之一

因所生現果。謂有緣法能變現者。名果能變種種相者。卽第八識相應心所相見分等。論別釋云。等流習氣爲因緣。故八識體相。差別而生。名等流果。似因故。釋曰。卽以現識三性種子。各自生現。論云。異熟增上緣。感第八識酬引業力。恒相續故。立異熟名。惑前六識酬滿業者。從異熟起。名異熟生不名異熟。有間斷故。卽前異熟及異熟生名異熟果。果異因故。釋曰。八識是總果。故是異熟生。王引生餘感六識業。名之爲滿業等。以上論文皆以生起而釋變義。故疏云。轉卽轉生亦轉變義。又下論中。釋第二能變依彼轉緣。彼云。轉謂流轉。顯示此識恒依彼識取所緣故。彼疏釋云。流是相續義。轉是生起義。謂依第八或種或現。相續起義。又彼論第一釋。由假說我法有種種相轉。云轉謂隨緣施設有異。又云。彼相皆依識所轉變而假施設。又云。變謂識體轉似二分。釋曰。言彼相者。卽上我法識體。卽是自證分。此相見俱依自證起故。上來正意爲證。以起以變釋論轉字。然已具於能變之相。前後經疏皆要此文。

疏然此一文。諸教同引。證成唯心。鈔然此一文

撰述

華嚴金剛卷之一

生

下。二廣開章門。於中有二。初總標舉。唯識攝論等。皆指華嚴一心作義。

疏云何一心而作三界。畧有三義。一二乘之人謂有前境。不了唯心縱聞一心。但謂真諦之一。或謂由心轉變。非皆是心。二異熟賴耶。名爲一心。據無外境。故說一心。三如來藏性清淨一心理無二體。故說一心。此初一心。菩薩不爲此觀。後二一心。經意正明。通於三觀。約清淨一心爲第一觀。通此二心爲後二觀。後二一心畧如問明。

疏廣開有十。初之一門。假說一心。謂實有外法。

但由心變動故下之九門。實唯一心。鈔廣開有十下。三開三爲十。上三義中。初一不開。開第二爲次。三開第三爲後六。然皆從寬至狹。

疏二相見俱存。故說一心。此通八識及諸心所。并所變相分。本影具足。由有支等。熏習力故。變現三界。依正等報。如攝大乘及唯識等諸論廣說。鈔二相見俱存者。唯識正義。四師各立。已見問明。今此從多。故云相見。八識心王。及諸心所。皆有二分。當體即見分。從所變下。即是相分。相有一義。一識所頓變。即是本質。識等緣境。唯變影緣。不得本

撰述

華嚴金剛卷之一

全

開

質由有支等者。影變因果。已如上說。

疏三攝相歸見。故說一心。亦通王數。但所變相分。無別種生。能見識生。帶彼影起。如解深密經。二十唯識觀所緣緣論。具說斯義。鈔三攝相下。然初及四五。皆唯識所破。彼論初云。又爲開示謬執我法迷唯識者。令達二空。於唯識理。如實知故。此破凡外。今文所無。次論復云。有迷謬唯識理者。釋曰。下皆護法廣破四師。此標也。次論復云。或執外境如識非無。釋曰。此卽有宗。依十二處教。執心境俱有。是第一義論云。或執內識。如境非有。釋曰。此破

清辨。依密意空教。撥識亦無。論云。或執諸識用別體同。釋曰。節大乘一類菩薩言。八識體唯是一也。如一水鏡。多波像生。卽當此中第五義也。論云。或執離心無別心所。釋曰。此卽經部覺天所計。以有經言。士夫六界染淨由心。無心所相。雖於蘊中。亦有心所。但於識上分位假立。無別實有。然清辨計。雖撥皆空。強違中道。而立唯境順世。亦立唯四大種。成有情故。若依此義。應有四句。清辨順世。有境無心中道。大乘有心無境。一切有部。有心有境。邪見撥無。都無心境。然其有王無所。卽此第四。而今

指經論與彼不同。然第二義言如解深密者。卽第一經心意識相品第二廣慧菩薩問佛。菩薩於心意識秘密善巧。佛答云廣慧當知。於六趣生死。彼有情及四生身外生起。於中最初一切種子。心識成熟。展轉和合。增長廣大。依一執受。一者有色諸根及所依執受。二者相名分別。言說戲論習氣執受有色界中。具二執受無色界中。不具二種。釋曰。無色不具。卽無色根。則唯有相名分別習氣明是唯見。次下經云。廣慧阿陀那識爲依止。爲建立故六識身轉。謂眼耳鼻舌身意識。此中有識。眼及色爲緣。生眼識與眼識俱。隨行同時同境。有分別意識轉等。則知皆是唯立見分。此見亦卽安慧所立。一自證分。謂多立有。相見二分。去相取見爲自證耳。言二十唯識者。亦名唯識二十論。有二十偈。故世親菩薩造。唐三藏譯。最初卽云。安立大乘二界唯心。以契經說三界唯心。心意識了別。名之差別。此中說心意兼心所。唯遮外境。不遣相應。內識生時。似外境現。如眼有翳。見髮蠅等。於中都無少分實義。釋曰。此亦明唯心義。復有一卷唯識論。天親菩薩造。後魏瞿曇般若流支譯。細尋乃是二十唯

識同本異譯。而文稍顯著。先列二十偈。初偈云。唯識無境界。以無塵妄見。如人目有翳。見毛月等事。偈竟問云。初偈明何義。答曰。凡作論有三義。一者立義。即是初句。二者引證。即第二句。三者譬喻。即下二句。下文廣釋。亦明外相無實。唯心現故。名攝相歸見。言觀所緣緣論者。但有兩紙。陳那菩薩造論云。諸有欲令眼等五識。以外色作所緣緣者。或執極微。許有實體能生識故。或執和合以識生時。帶彼相故。二俱非理。所以者何。極微於五色。設緣非所緣。彼相識無故。猶如眼根等。釋曰。此破前極

微生識。長行破意云。眼等能發識。識上無眼相。極微能發識。識上有微相。故無所緣。又偈云。和合於五識。設緣非所緣。彼體實無故。猶如第二月。釋曰。觀長行意。此破上和合以生識。謂彼執言堅等多相。和合一處。有是現量境能發於識。破意云。和合法無實故。如眼錯亂。見第二月。釋曰。以無上二相。惟有於識。故名攝相歸見。然陳那立於二分。今言無相者。相實無故。下正義云。彼所緣緣非全不有。內識如外現爲識所緣緣。許彼相在識。及能生識故。釋曰。長行內識。似外境現爲所緣緣。許眼等識。

帶彼相起及彼生識故結云諸唯識內境相爲所緣緣理極成也則非全無相相全屬識故曰歸見然上疏引皆賢首意欲成十義故復引之法相立識如前所引唯識論辨

疏四攝數歸王故說一心唯通八識以彼心所依王無體亦心變故如莊嚴論說

鈔四攝數歸王下具名大乘莊嚴經論無著菩薩造有十三卷第四卷述求品第十二中有此意也論云自界及二光癡共諸惑起如是諸分別二實應遠離釋曰自界謂自阿賴耶識種子二光謂能取光所取光此

等分別由共無明及諸餘惑故得生起如是諸分別二實應遠離二實謂所取實及能取實如是二實染淨應求遠離釋曰此說求染淨亦攝末歸本義第五卷初同此品說求唯識人云能取及所取此二唯心光貪光及信光二光無二法釋曰求唯識人應知能取所取此之二種唯是心光卽釋上半如是貪等煩惱光及信等善法如是二光亦無染淨二法何以故不離心光別有貪等信等染淨法故二光亦無二相偈曰種種心光起如是種種相光體非體故不得彼法實釋曰種種心光卽是

種種事相。或異時起。或同時起。異時起者。謂貪光
瞋光等。同時起者。謂信光進光等。光體非體者。如
是染位心數。淨位心數。唯有光相。而無光體。是故
世尊不說彼爲真實之法。釋曰。上二偈即是正意
也。其釋曰。字皆是論文。

疏五以末歸本。故說一心。謂七轉識。皆是本識差
別功能。無別體故。楞伽云。歲識海常住。境界風所
動。種種諸識浪騰躍而轉生。又云。譬如巨海浪無
有若干相。諸識心如是。異亦不可得。既云離水無
別有浪。明離本識無別前七。鈔五以末歸本下。

其五六七三門。全同問明。但爲明其自淺之深。故
復重說耳。後之三心。卽玄中具。謂唯心所現。故法
性融通。故等說。

疏六攝相歸性。故說一心。謂此八識。皆無自體。唯
如來歲平等顯現。餘相皆盡。經云。一切衆生。卽涅
槃相等。楞伽云。不壞相。有八無相。亦無相如是等。
文誠證非一。

疏七性相俱融。故說一心。謂如來歲。舉體隨緣。成
辦諸事。而其自性本不生滅。卽此理事渾融無礙。
是故一心二諦。皆無障礙。起信云。依一心法。有二

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

種門乃至不相離故。又密嚴云。佛說如來藏以爲阿賴耶。及如金與指環喻等。又勝鬘云。自性清淨心不染而染難可了知。染而不染亦難可了知。皆明性淨隨染。舉體成俗。卽生滅門。染性常淨。本來真淨。卽真如門。斯則卽淨之染。不礙真而恒俗。卽染之淨。不破俗而恒真。是故不礙一心雙存二諦。深思有味。

疏八融事相入故說一心謂由心性圓融無礙。以性成事。事亦鎔融。不相障礙。一入一切。一中解無量等。一一塵內各見法界。天人修羅不離一塵。其文非一。

疏九令事相卽故說一心謂依性之事。事無別事。心性旣無彼此之異。事亦一切卽一。上文云。一卽是多多卽一等。

疏十帝網無礙故說一心謂一中有一切。彼一切中復有一切。重重無盡。皆以心識如來藏性圓融無盡故。

疏上之十門。初一小教。次三法懶。次二就實。後三約圓中不共。若下同諸乘。通十無礙一部大宗。非獨此品。隨一一門成觀各異。可以虛求。鈔上之

撰述

華嚴真金卷之一

十門下。一約教分別卽具五教涉權是始教就實通二。二卽終教終教亦名實教故其攝相歸性亦通頓教以後三教皆同一乘並據於權故頓亦名實後三圓融卽是圓教而言不共者圓教有二。一同教。二別教。別卽不共。不共實頓故。二同教者。同頓同實故。今顯是別故云不共。若下同諸乘下。約融通說。若下同同教一乘卽收次三就實。若同於三乘亦收前四以其圓教如海包含無不具故。

○疏第二本末依持門此下終於十門。豈是世諦差別緣相本寂但應觀眞何以復觀世諦差別論云

隨順觀世諦卽入第一義故俗爲眞詮了答無性方見眞耳。中論云。若不知世諦不得第一義故。此觀有六。一何者是染染依止觀卽雙辨能依所依攝此半門。二因觀。觀染因故攝次二門。三攝過觀唯苦集故。四護過觀。護凡邪見故。五不厭厭觀。防小慢故。上三次第各攝一門。六深觀。顯因緣之理妙過情取故。此攝後三門。六中初二建立染相。次一就染觀過次二正觀防非。後一觀行深極。鈔第二本末依持門疏文有六。一標門分齊卽八門半。論云隨順下三引論正答同涅槃第十二卷佛

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

聖嚴正金卷之二

荅文殊義已見玄文中論云下五引他論證卽四諦品亦見上文此觀有六下六依總開別謂於世諦八門半中爲六觀故於中三初列釋一一觀中文皆有一觀字已上依論標名觀字向下是疏辨意因有自他故須一門卽染依止名爲他因第二因觀名爲自因染有四句故攝三門他因卽第三自業助成自因節第四不相捨離故皆染因攝過卽第五三道不斷門謂惑業苦惑業集故護過節第六三際輪迴門說此能除外道三過三過如下不厭厭觀卽第七三苦集成門凡小不厭菩薩厭

故深觀卽後三門四句求生不可得故無生而生故曰深觀豈同情取六中初二下二料棟攝六爲四初二染相者一卽能依所依二卽自因他因皆迷染相下三可知

疏今此半門卽染依止觀因緣有分爲染而此染相依止一心故論云此是二諦差別以純真不生單妄不成一心之真雜染之俗此二和合有因緣集鈔今此半門下二別釋初門於中有二初出論意觀因緣有分爲染者此論自釋何者是染分分卽支義而此染下釋染依止此卽論王生起之

撰述

華嚴疏鈔卷之十一

文而但云因緣有分。依止一心。疏開釋之。故本論
云下二論解經。具云此是二諦差別。一心雜染和
合。因緣集觀。疏文畧耳。以純真不生下三疏釋
如來於此分別演說十二有支。皆依一心。如是而立
疏經中三。初總謂依一心分別十二。則十二爲一
心所持。而特言如來說者。一心頓真。非佛不知。故
謂顯如來過去覺緣性已等相續起。展轉傳說。故
何以故。隨事貪欲與心共生。心是識事。是行。於行迷
惑是無明。與無明及心共生是名色。名色增長是六
處。六處三分合爲觸。觸共生是受。受無厭足是愛。愛
處六處三分合爲觸。觸共生是受。受無厭足是愛。愛

攝。不捨是取。彼諸有支生是有。有所起名生。生熟爲
老。老壞爲死。

疏次徵意云。十二有支。三世行列。前後引生。何以
令說皆依一心。後釋中論無別解。古來諸德。但云
離本識心。一切不成。而其釋相。經生越世。此雖不
失依持之義。未爲得旨。

疏今謂說王巧示。非唯三世。不離真心。今一念心。
頓具十二。彌顯前後。不離一心。此同俱舍第九明
利那十二因緣也。

疏是以此一門中。舍多緣起。一舍攝論二種緣

撰述

華嚴疏鈔卷之二

七

起。彼第二云。若畧說緣起有二。一。分別自性緣起。謂依阿賴耶識諸法生起。卽今一心依持。二。分別憂非憂緣起。謂十二緣起。於善惡趣能分別憂非憂。種種自體爲緣性故。卽通今釋文。及前後九段。大鈔一。分別自性者。卽一取習氣。二。憂非憂緣起。卽諸業習氣。全同唯識。由諸業習氣。一取習氣俱。前異熟既盡。復生餘異熟也。

疏一。舍俱舍第九。四種緣起。一者利那。二者連縛。三者分位。四者遠續。後三通餘九門。此中正當第一。彼云云何利那。謂利那頃。由貪行殺等。具有十

二。彼廣說相與此大同。鈔二。舍俱舍下。卽第二。約義攝五。於中有三。初標列。標列唯四。何言攝五。下有例釋。同時同體義。此中下別釋利那。卽消經文。

疏故今不必依次。意顯一心頓具。隨事貪欲與心共生者。此則總指所行之事。貪事非一。隨取一事。於一念中。則具十二。鈔故今不必依次者。初卽識支。二是行支。三方無明。故不依次。而俱舍具有十一。下云癡是無明。思卽是行。猶依次第。况不依次。非一刹那。

疏謂行此貪事。必依心起。復了別前境。故心卽識支。鈔謂行此貪下識支。然有二義。一依心起。是大乘義。卽八識心。復了別下。卽俱舍意。於諸境界。了別名識。

疏事是行者。貪事卽是意業之行。若形身口。亦是二行。不知貪過。能招於苦。名於行迷惑。與無明及心共生。是名色者。名色是總。爲二所依。名與共生。故晉經云。識所依處爲名色。故俱舍云。識俱三蘊。總稱名色。意明以受蘊。自是受支故。名色增長是六處者。不生五識。唯名十界。五識依生。乃名十處。識依相顯。卽是增長增長之言。宜譯爲開顯。俱舍云。住名色根。說爲六處。謂六根是別。以別依總。開成於六。稱住名色。鈔不生五識者。十界卽五根五境。以十八界根識別故。若明十二處攝。識在根故。云五識依生。乃名十處。五根加意。故云六處。大乘意根。異識支。故俱舍小乘。卽第六識。是識支體。故云住名色根。爲六處。彼疏釋云。眼等五識住名色根。故說五根。以名六處。雖勝是五六處攝故。疏食必對境爲觸。受必領觸。鈔貪必對境者。釋觸也。論云。六處對餘和合是觸。釋云。餘謂識境。

撰述

華嚴疏鈔卷之一

疏貪卽是愛。名受無厭。愛攝不捨。卽是欲取。鈔釋取順。經云是欲取。若俱舍云與此相應諸經名取。彼疏釋曰。卽無慚無愧。昏沉掉舉等。與貪相應也。

疏愛取潤前六支成有故。但前諸有支生。卽是有義。鈔釋有潤。經云諸支生。若俱舍云起身語。業名有。

疏有所起者。卽前諸法起。便是生義。生熟爲老者。物生卽異故。老壞爲死者。利那滅故。又依大乘當相壞故。故經云初生卽有滅。不爲愚者說故。鈔

老壞爲死。全同論文。利那滅故。是彼疏釋。

疏此若不斷。則名連縛。十二支位。五蘊皆名分位。卽此順後無始來有。名爲遠續。鈔此若不斷下。二畧釋餘三緣起論云連縛者。如品類足論謂徧有爲十二支位。所有五蘊皆分位攝。卽此懸遠相續無始說爲遠續上皆論文。釋曰連縛要因果無間相連起也。若情非情。皆有生滅念念相續故。利那連縛徧一切有爲分位緣者。要約順生受業。及不定業。三世十二支五蘊分位。若遠續者。卽前分位遠相續耳。順正理論云。遠續緣者。謂前後際有。

撰述

華嚴疏卷之一

七

順後受業及不定業無始流轉。如說無明有愛。本際不可知等。連縛緣者取相隣接相繫不斷。彼疏釋云遠續唯隔越連縛唯無間遠續唯異熟因。若兼無情亦同類因連縛定非異熟異熟因非連縛故通同類徧行能作除相應俱有此二非前後故疏大小理通或六八識異耳。非聖教量熟信斯旨論王不解殆似疎遺。鈔大小理通者二總結亦是釋妨謂有問言今釋一乘唯一心法何以却引俱舍爲證故爲此答一心之義小乘立六大有八等則不同也。若一剎那具十二支則大小皆具非近似之言顯非失矣。

聖教量者結示令信也。自古不爲此釋。今總約一念十二故以聖教量證非臆說矣。言論王不釋殆似疎遺者論王造俱舍論非是不知將爲易解故不解釋由論不釋令後誤解似疎遺者近也。近似之言顯非失矣。

疏此文正辨同時異體十二有支若同時同體亦具十二謂迷第一義卽是無明有漏有取便名爲行體卽是識亦卽名色卽是意處對境名觸領境名受染境名愛著境名取招報爲有體現名生卽異滅爲老死。

撰述

華嚴疏金卷之一

疏以此十二有支。約時通說。總有六種。一依五世說十二支。謂過去無明行。復從過去過去。過去煩惱生。此則煩惱生惑業。過去二因。生現五果。則惑業生苦。若現生未來。未來更生未來。則苦復生苦。此依三世推因徵果。假說有五。非約展轉。不墮無窮。

鈔以此十二下。初正明也。卽涅槃三十七意南經三十四迦葉問觀業苦。如來釋之。經云智者復觀煩惱因緣。生於煩惱。業因緣故。亦生煩惱。煩惱因緣。復生於業。業因緣故生苦。苦因緣故生於煩惱。煩惱因緣生於有支。有四緣故生苦。有因緣故生

有。有因緣故生業。業因緣故生煩惱。煩惱因緣故生苦。苦因緣故生苦。善男子。智者若能作如是觀。當知是人能觀業苦。遠公釋云。此就五世以明。因緣謂過去過去有二支。煩惱因緣生煩惱者。從彼過去過去煩惱。生於過去無明也。業因緣故亦生煩惱者。從彼過去過去業行。生於其次過去無明。其次過去亦立二支。煩惱因緣復生業者。過去無明。生於行支。業生苦者。謂從前行生現識支。現在世中。立其四支。苦因緣故生煩惱者。謂於現在五果。起於愛取。煩惱因緣生於有者。從現愛取。起現

撰述

華嚴疏卷之一

有支。有因緣故生苦者。從現有支。生未來生死支。
 有因緣故生有者。從現有支。生未來有。現在世
 中。善惡二業爲同類因。生未來善惡業故。其次未
 來。出於三支有因緣生業者。未來業行。前後相生。
 業因緣故生煩惱者。從未來世所造業起。未來世
 潤生煩惱。煩惱因緣生苦者。從未來世潤生煩惱。
 生於未來未來生支。未來未來唯立一支苦因緣
 生苦者。從彼未來未來生支。生彼世老死支也。釋
 曰。以上疏文。對此經釋。於義可了。但疏文稍畧。此
 依三世下。二釋妨。謂有問言。若過去無明。更依過
 依三世下。二釋妨。謂有問言。若過去無明。更依過

去。則前無始。未來老死。更生未來老死之果。則未
 來無窮。則無明非無因。老死非無果。有無窮過故。
 今答云。今依推過去無明。非墮自然。復因宿習。未
 來不得對治。則苦果無窮。因果相關。故有五世。五
 世之外。更不關涉。故非無窮。若約三世輪環。無無
 窮過。

△疏一。依三世。三依二世。四依一世。前後建立。並如
 初門中辨。五同時異體。六同時同體。即如此文。
 鈔一。約大悲隨順觀中。卽當第二餘處求解脫。
 鈔一。約大悲下。此文有六。一標觀名。故論徵云。云

何餘處求解脫耶。
 薖謂是凡夫愚癡顛倒。常應於阿賴耶識及阿陀
 那識中求解脫。反於餘處我我所中求解脫故。
 疏經明唯是一心。則心外無我法。當於一心中求。
 鈔經明唯是下三以論意引經而爲對治。於我
 等中求爲非。於心中求爲是。

疏亦同淨名諸佛解脫。當於衆生心行中求。鈔
 亦同淨名下四引例爲釋。卽問疾品。因問空室之
 由。尋末歸本。有三重問答。一問空。當於何求。答曰
 當於六十二見中求。又問六十二見。當於何求。答

曰。當於諸佛解脫中求。又問諸佛解脫。當於何求。
 答曰。當於一切衆生心行中求。然尋古釋畧有三
 意。第一意云。執見乖空。則顯空非是見佛解脫中
 無見。則知見非解脫。衆生心中無佛解脫。當知諸
 佛解脫中。則非衆生親契空矣。卽生公意。二云空
 智。因於見生。則空智無性。無性故智空。諸佛解脫
 而有邪。因正生邪。亦空矣。諸佛解脫。因悟衆生心
 行。則解脫空矣。二者約其空體無二。所以互求。理
 無不偏。此意近於今經。今經正明於真妄心求。見
 妄性空悟本真體。如下當釋。

撰述

華嚴疏金卷之一

七

疏言阿賴耶。此云藏識能藏一切雜染品法。令不失故我見憂等執藏以爲自內我故。此名惟在異生有學。阿陀那者。此云執持。執持種子及色根故。此名通一切位。此二卽心之別名。論王意明心舍染淨。故雙舉二名釋一心義。鈔言阿賴耶者。五會釋論文。然唯識第三明第八識總有七名。故彼論云。然第八識雖諸有情皆悉成就而隨義別立種種名。謂或名心。由種種法熏習種子所積集故。或名阿陀那。執持種子及諸色根。令不壞故。或名所知依。能與染淨所知諸法爲依止故。或名種子。

識能徧任持世出世間諸種子故。此等諸名通一切位。釋曰。前名心者。望種積集。此種子識。唯望能生故不立也。次論云。或名阿賴耶。攝藏一切雜染品法。令不失故我見憂等執藏以爲自內我故。此名唯在異生有學。非無學位不退菩薩有雜染法執藏義。故釋曰。然準賴耶有三藏義故。上論云。此識具有能藏所藏執藏義故。謂與雜染互爲緣故。有情執爲自內我故。釋曰。言互爲緣卽具能所二藏。一能持染種種名所藏識是能藏。謂現行異熟能持種子。二是雜染法所熏所依則染法名能藏。

撰述

卷之二

此識爲所藏。起信疏云。又藏自體於諸法中。大乘法師云。謂由七轉識熏成種子。識體與種子無異。性故亦隨所藏種子。不離轉識。藏在轉識中。又爲第七之所執藏。今但出一義闕所藏者。約通無漏。不說所藏。次論云。或名異熟識能引生死善不善業異熟果。故此名唯在異生。二乘諸菩薩位。非如來地。猶有異熟無記法。故釋曰。此通一乘無學。十地菩薩以如來唯善無無記故。次論云。或名無垢識。最極清淨諸無漏法所依止故。此名唯在如來地。有菩薩二乘及異生位。持有漏種可受熏習。未得善淨第八識。故釋曰。非煩惱依。故名無垢。今論唯舉二名者。賴耶意在唯染阿陀那意在通淨。畧舉一對。通爲所求處。其理已同。故疏云。論王意明心舍染淨。

疏求義云。何若有我執成阿賴耶。若我執亡則捨賴耶名。唯阿陀那持無漏種。則妄心斯滅。真心顯現。故下偈云。心若滅者生死盡。卽妄滅也。非心體滅。鈔求義云。何下六別釋求相。卽示二無我觀先舉迷。若我執亡下後明悟。卽捨賴耶名者。唯識云。阿羅漢位捨。以三歲中無我愛執藏。故羅漢捨。

支那

華嚴疏妙卷之二十七

七

撰述

華嚴疏金卷之二

若約菩薩義當八地已出三界言妄心斯滅真心顯現者卽起信意前疏已引故下偈下引證先引當經具云了達三界依心有十二因緣亦復然生死皆由心所作心若滅者生死盡次云卽妄滅也非心體滅者卽闍引起信成經滅義故彼文云但心相滅非心體滅楞伽亦云若阿賴耶滅不異外道斷見戲論前疏已用

△疏三約一切相智觀卽當第二依止觀明此緣集依於一種一依第一義已如前說二依心識卽是今文前唯約淨此通染淨依義如前又前卽依真

起妄此卽顯妄依真

鈔卽當第二者疏有二釋

唯依第一義故唯約淨此明有支依持故通染淨第二釋中依真起妄者不了第一義諦名無明等故顯妄依真者十二因緣皆依一心如是而立故佛子此中無明有二種業一令衆生迷相所緣二與行作生起因行亦有二種業一能生未來報二與識作生起因識亦有二種業一令諸有相續二與名色作生起因名色亦有二種業一互相助成二與六處作生起因六處亦有二種業一各取自境界二與觸作生起因觸亦有二種業一能觸所緣二與受作生

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

聖賢疏卷之二

五

起因受亦有二種業。一能領受愛憎等事。二與愛作
生起因。愛亦有二種業。一染著可愛事。二與取作生
起因。取亦有二種業。一令諸煩惱相續。二與有作生
起因。有亦有二種業。一能令於餘趣中生。二與生作
生起因。生亦有二種業。一能起諸蘊。二與老作生起
因。老亦有二種業。一令諸根變異。二與死作生起因。
死亦有二種業。一能壞諸行。二不覺知故。相續不絕。
疏第三自業助成中亦三初約相諦觀者此下二
門。卽當因觀。因觀有二。一他因觀。二自因觀。鈔
第三自業助成者。然雜集論名建立支業各具二

業故全同今經

疏遠公云行望無明異故。名爲他因。從前無明。生
後無明。名爲自因。

疏他因小通。自因有妨。以論云自因觀者。離前支
無後支。經言無明因緣能生諸行故。鈔他因小
通下。二辨違。以知無明異行。故許其通。而又不知
無明望行。具自他義。但爲他因故云小通耳。言自
因有妨者。以違論故。論王旣引無明因緣生行。證
離前支則無後支。明以無明爲前行爲後矣。況自
因緣內無有無明。生無明支。

撰述

聖嚴疏錄卷之一

疏今謂他因者全賴前支生後支故此揀自性故大悲觀中揀於冥性一切相觀名爲方便唯從無明生於行故名爲自因。此揀餘因能生於行亦猶於酪定從乳生不從石出故大悲觀破於自在等因一切相智顯因緣相故三觀取意小異文旨大同諸德不尋論文妄爲異釋鈔故大悲下二引二觀爲證大悲觀中冥性卽外道之自生與自性義同故以他因破其自生自生卽外道從他生義故以自因破其他生一切相智中他因乃前爲後之方便自因卽爲因緣之相此義極顯故舉酪喻。

正喻自因亦與他因酪不從自生必假乳爲因故此則乳爲酪家他因以乳非酪故要從乳生不從蒲石等生故乳爲酪家自因以若不要從乳生者因同非因故若無他義乳卽是酪俱失因果三觀取意下第二總結由大同故得引爲證諸德下結彈然自因他因卽俱舍等此有彼有此生彼生俱金第九云云何世尊說前二句此問也論答云謂依此有彼有此生彼生彼生於緣起決定故如餘處說依無明有諸行得有非離無明可有諸行又爲顯示諸支轉生謂依此支有彼支得有由彼支

撰述

華嚴經卷之十

三

四

生故餘支得生。又爲顯示三際轉生。謂前際有中際。得有由中際生。後際得生。又爲顯示親轉二緣。謂有無明無間生行。或展轉力。諸行方生。有餘師說。如是二句爲破無因常因二論。謂非無因。諸行可有亦非由常自性我等無生因故。諸行得生。若爾便成前句無用。但由後句此生彼生能具破於無因常因等故。軌範師釋此二句爲顯因果。因果不斷及生。云云有釋爲顯因果往生。云云釋曰。上皆論文。今當會釋。此卽雜集等。及上經中。是事有故。是事有是事起。故是事起。起卽生義。已如前釋。

今且會二因。前支有故後支得有。卽自因義。以要不離前方有後故。此生彼生。卽他因義。此支生時。彼支別故。故前第四釋此有彼有爲親因。因此生彼生爲展轉因。展轉者。卽是他義。要從前支卽是自義。若望大悲隨順觀。則前第五爲破二因義甚相順。以自因破無因。酌要因乳故。以他因破於常因。必假他因。非自性等故。是則先破二因未爲失意。旣今經意順上論意。自他昭然。則諸古德非獨闢尋本論。亦不見於他論意旨。

撰述

華嚴疏金卷之一

百四

業二是助成而並云他者。特由無明迷於所緣。方爲行因。若了所緣。寧起妄行。又初明自業顯是他義。二明生後顯是因義。餘十一支倣此思準。鈔今此一門下二別釋此段於中有二。先以二業釋他因義。此有二釋。前合釋以自業之他助成後支之因二別配二字可知。

疏然生起之因。卽增上緣。以緣名因。從通義說。

鈔然生起下二別釋經文。先釋助成經中助成唯增上緣而云作生起因者。從通相說。別則因親緣疎。通則因卽是緣。故俱舍中四緣攝於六因。論云

說有四種緣。因緣五因性等無間非後心。心所已生所緣一切法。增上卽能作。若唯識論亦攝十因以爲四緣。六因十因。前疏已說。今意但顯通耳。

疏於四緣中。諸支相望。增上定有。故緣起經及此文中。唯明有一餘之三緣。有無不定。故畧不明。鈔於四緣下。二廣顯差別。卽唯識緣生中諸門分別內四緣分別門。疏多依彼就文分四。今初總顯具闕。彼論具云。諸支相望。增上定有。餘之三緣。有無不定。契經依定。唯說有一。釋曰。對疏可知。然增上體寬。故皆定有。餘三緣局。故有無不定。

疏謂愛望於取。有希望於生。有因緣義。以愛增爲取。識增爲有故。若說識支是業種者。行望於識亦作因緣。餘支相望無因緣義。而集論說無明望行有因緣者。依無明時業習氣說無明俱故。假說無明實是行種。瑜伽論說諸支相望無因緣者。依現愛取。唯業有說。上四位相望明有因緣。初二定實。次一不定。後一假說。鈔謂愛望下。初愛是取家因緣者。夫言因緣要辨體親生。既愛增爲取。則愛是取種。能生現取。故爲因緣。識增爲有者。有無別體。由愛取潤。五種成有。有卽識種。生支卽識現行。識種有生現故。有得是生家因緣。若說識支下。二依不定。此是唯識會得法意。若以識種爲識支。行非識親因。今以業種爲識支。故行得爲識之因緣。此則現行爲種因緣。識是業種。如初章辨。而集論下。四會通他論。先會集論。卽第四卷。先標彼有。後依無明下。顯其有義。明是假說。謂依無明俱時之思業之習氣。與無明俱。假說業種。以爲無明。實是行種。生行現行耳。然集論中。名建立支緣。論云。建立支緣者。謂習氣故。引發故。思唯故。俱有故。建立支緣。隨其所應。依四緣相。建立支緣。且如無明望行。

撰述

卷之二

前生習氣故得爲緣。由彼熏習相續所生諸業能
造後有故。一當於爾時現行無明能引發故爲等
無間緣。二由彼發差別諸行流轉相續生故思。雅
彼故爲所緣緣。三以計最勝等不如理思惟緣愚
癡。位爲境界故彼俱有故爲增上緣。由彼增上緣
力令相應思顛倒緣境而造作故。四如是一切隨
其所應令盡。釋曰。上於無明望行具作四緣。既例
一切令盡當知則十二支皆具四緣大乘法師釋
曰。此雅識論依於別體故互有無。彼依分位故得
皆具。彼以無明爲法之式例於餘支。今雅識論且

偏會之。釋曰。此大乘法師意似明唯識不曉彼意
不合。唯會無明與行故下疏云既約因言已合餘
三則皆具。四瑜伽論下二會大論第十說有三緣
無有因緣上牒大論從依現愛取下會上有義大
論言無上具說有上有四位不定假說此不須會
但會二位實有因緣也。依現愛取者會前愛望於
取有因緣義。彼以愛增爲取種生現故得爲因緣
今以現行之愛望現行取非從自種安得因緣言
唯業有說者會前有望於生得爲因緣前以識種
起生現行得爲因緣今以業種爲有而起於生業

撰述

華嚴疏卷之二

非識體。但爲增上妄成因緣。故瑜伽云。何故相望皆無因緣。答因緣者。自體種子。因所顯故。今現行。愛取。非是種子。以業望生。非自體故。大乘法師云。若無此論。難釋瑜伽。上四位下。第二料揅。非唯識論。是疏意耳。尋上可知。

疏無明。望行。愛望於取。生望老死。有餘二緣。並以現行相望。無間引生故。行等思心。可反緣故。有。望於生。受望於愛。無等無間。有所緣緣。以種。望現故。所生現行。却緣種故。餘支相望。二俱非有。鈔無明。望行者。二辨餘二緣。自有三義。初三位具二。先

舉論文。從並以下疏釋。並以現行相望總出。有一
緣。所以言無間引生者。明有等無間緣。要是現行。
心心所法。前念謝滅。引起取心。此中愛支亦約現
行。生及老死。但是識與名色。增長衰變。增長心減。
引行思心。愛心所滅。引起取心。此中愛支亦約現
行。生及老死。但是識與名色。增長衰變。增長心減。
引生衰變。故此三位。有等無間。言行等思心可反
緣故者。明有所緣緣等者。等於取及老死。謂行之
思。可得反緣。前無明支。故無明支。即是行家所緣
緣也。二取亦心所。故得緣。愛愛。是取家所緣緣也。
老死心所。可緣於生生。卽老死所緣緣也。皆言反

釋述

華嚴疏卷之一

緣者後支緣前故有皇於生者。此卽第二二位相
望但具一緣。此上論文以種望現下釋上等無間
義以等無間要是現行心心所法相引生故。今有
是種子生是現行安得有之受亦種子。愛是現行
故非無間所生現行者。釋有所緣緣義。生是現行
能緣有種愛是現行能緣受種故有及受爲所緣
緣餘支相望者三明全無二也。餘支者卽更有六
位相望總無二緣。謂行皇識識望名色名色望六
入六入望觸觸望受支取皇有支所以無等無間
者其果皆非現心心所相引生故謂識等至受皆

是種子有亦種子行爲識因取爲有因雖是現行
所生識有卽是種故非等無間所以非所緣緣者
既非現行心心所法何有緣慮

疏此中且依隣近順次不相雜亂實緣起說異此
相望爲緣不定以其逆順各有次第及超間故。
鈔此中且依下三結例無方亦唯識論意於中有
二先舉論文然其論中乃有四重一依隣近則異
隔越或唯越一越二越三二依順次則異逆次唯
將無明作行之緣不以行爲無明緣等三依不相
雜亂異於雜亂若集論說以無明望行乃取無明

其中行種而爲無明故是雜亂四依實緣起說者異於假說。如向無明俱時業之習氣實是行種假說無明後之二義大同小異。異此相望者卽異上四義是向鈔中所異是也。旣異隔越等故疏云以。其逆順各有次第及超間故且約第一隔越者如無明與識等五及有但一增上唯能生起彼種子故無明與愛取老死爲二緣謂所緣緣增上緣餘一切緣準此可知二約逆次者亦有隣次隔越今合說之。老死與生愛取行無明爲二緣謂所緣增上餘但增上三若相雜亂有二一順二逆順中有

隣次隔越如對法前無明望行是隔越與前實緣不殊亦約識等五種而說若約當生隨其所應逆次之中有隣有間此應思準上約緣起說此約增上說然有遠近乃至諸支一一應作然此中識等五依當起位諸支隔越逆次超間相雜爲緣一一思準。

疏爲緣旣多義不同經約揀要從定有說又約因言已含餘三鈔爲緣旣多義下四會通經意於中有二先明經中但有增上總言爲生起因故若雜集六因名成起相非謂隣近緣如無明望行由

撰述

華嚴疏錄卷之一

章

四

此無間生當有故。又約因言者。一總明具四。如雜集說。兼約位故。但言生起因。不定增上故。若瑜伽意。生起即是增上緣耳。故論問云。若諸支相望。無因緣者。何故說言依因果體性建立緣起耶。答依增上緣所攝引發因。牽引因。生起因。故說名爲因。故大乘法師釋云。節以此文證生起因。唯說增上緣。然生起因。若別說者。十因之一。言十因者。瑜伽三十八菩提分品云。一隨說因。二觀待因。三牽引因。四攝受因。五生起因。六引發因。七定別因。八同事因。九相違因。十不相違因。謂一切法。名爲先故。

想。想爲先故。說是名彼諸法隨說因。觀待此故。此爲因故。於彼彼事。若求若取。此名彼觀待因。如觀待手故。手爲因故。有執持業。觀待足故。足爲因。有往來業。觀待節爲因故。有屈伸業。觀待饑渴爲因。故於諸飲食。若求若取。隨如是等無量道理。應當了知觀待因相。一切種子。望後自果。名牽引因。除種子外。所餘諸緣名攝受因。即諸種子。望初自果。名生起因。即初種子。所生起果。望後種子。所牽引果。名引發因。種種異類。各別因緣。名定別因。若觀待因。若牽引因。若攝受因。若生起因。若引發因。若

撰述

華嚴疏錄卷之一

三

定別因。如是諸因。總攝爲一。名同事因。於所生法能障礙因。名相違因此障礙因。若闕若離。名不相違因。餘如彼釋下次復云。此一切因。二因所攝。一能生因。二方便因。當知此中牽引種子。生起種子。名能生因。所餘諸因。名方便因。釋曰。意明三五是能生因。次卽云。因復有四種。一因緣。二等無間緣。三所緣緣。四增上緣。當知此中。若能生因。名爲因緣。若方便因。是增上緣。等無間緣及所緣緣。唯望一切心心所法。前生開導。所攝受故。所緣境界。所攝受故。方生方轉。是故當知等無間緣及所緣緣。

攝受因攝餘如彼論廣明。釋曰。彼論中十因別義。今云生起因。卽十因中第五因也。卽增上緣。今疏依通更以別理。前能生後。或親因生。或是增上。或等無間。或爲所緣。通云生起。如分位緣。生位。位五蘊。故容具四緣。如上集論說耳。十因之義。唯識廣明。四緣之義。廣如二論。今但畧知名目。大意以消經耳。

疏其十二支。各初自業。不異前之二門。論王唯解老死二業者。以此難故。舉一例。諸然無明無因。老死無果。故前十一各與後支爲生起因。老死無果。

與誰爲因。經文意顯。與無明爲因。則無明非無。因老死非無果。故云不覺知故。相續不絕。不覺知者即無明也。是以十二因緣。猶如尋環。如汲井輪。無有斷絕。反顯若能覺知。則無復生死。論王總以二業爲後生因。故云壞五陰。身能作後生因。以不見知。故能作後生因。意明前陰但滅。則後陰生故。初爲因。後意不知。即是無明。無明爲因。則十二支相續不絕。不見此意。徒自云云。鈔其十二支下。二釋自業於中。先指前。不欲繁詞。故五不見下。五結彈古釋遠公云。不知雖是無明。死支爲主攝屬死。

支如似生時。亦有結業。名爲生支。卽是云云。不見論意。若以一支兼餘支者。則須無明。徧於十二。何獨死中偏說無明。今明老死能生無明。故爲此釋。諸德既昧。故曰云云。

△疏二約大悲隨順觀。四觀之中。此下四段明第三異道求解脫。

疏論云。顛倒因有三種。性因。自在因。苦行因。及無因此。有四因。如次四門破之前。三是邪因。故併云顛倒。鈔此有四下。先總釋也。爲揅濫故。昔人見論云。顛倒因有三種。後列乃四。或欲合前二以應。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

華嚴疏錄卷之一

重

前三不知上三是邪因故併云顛倒後一自是無因邪因無因合成四過耳。

疏一性卽冥性謂僧俗計此爲所知因謂知此冥性卽得解脫故前云異處求解脫顯其理非此中雖云所知意取行非鈔一性卽冥性下二別釋四因初性因中先正釋後前云下對一心門揀濫所以揀者由此冥性是其外理今云行非者取其能知得解脫故名爲行僧俗之計廣如玄中

疏二卽迦羅鳩馱計自在天爲所求因謂自在天瞋衆生受苦自在天喜衆生受樂求其喜故鈔

二卽迦羅等者此卽名也姓迦栴延言計自在天者涅槃第十七吉德大臣之所師事謂闍王言如王所言世無良醫治惡業者曰今有大師名迦羅鳩馱迦栴延一切知見乃至云爲諸弟子說如是法若人殺害一切衆生心無慚愧終不墮惡猶如虛空不受塵水有慚愧者卽入地獄猶如大水潤濕於地一切衆生悉是自在天之所作自在天喜衆生安樂自在天瞋衆生苦惱一切衆生若罪若福乃是自在之所爲作云何當言人有罪福譬如工匠作機關木人行住坐卧唯不能言衆生亦爾

撰述

華嚴疏錄卷之十一

自在天者譬如工匠其木人者譬衆生身如是造作誰當有罪。如是大師今者近在王舍城住唯速往詣若得見者衆罪消滅王卽答言審有是人能滅我罪我當歸依。

疏三刪闇夜計苦行爲所修因但修苦行以酬往業則得脫故鈔三刪闇夜者卽名也是毘羅胝之子涅槃中云實德大臣爲闇王說云刪闇夜爲諸弟子說如是法一切衆生若爲王者自在隨意造作善惡悉無有罪如火燒物無淨不淨下取意引如地普載如水俱洗如風能吹乃至云如秋髡

樹春則還生雖復髡斫實無有罪一切衆生亦復如是此間命終還生此間以還生故當有何罪一切衆生苦樂果報悉皆不由現在業果因在過去現在受果現在無因未來無果以現果改衆生持戒勤修精進遮現果惡以持戒故則得無漏盡有漏業以盡業故衆苦得盡衆苦盡故便得解脫唯願大王速往其所。

疏四無因卽耆多計衆生不由因得萬法自然若知此者便得解脫鈔四無因者阿耆多名也翅舍欽婆羅弊衣也亦有云阿耆多翅舍皆名也卽

撰述

華嚴藏經卷之一

五

開闢

悉知義大臣所師經云阿耆多一切知見二云云告

諸弟子作如是言若自作若教他作若自斫若教

他斫若自炙若教他炙若自害若教他害若自偷

若教他偷若自姪若教他姪若自妄語若教他妄

語若自飲酒若教他飲酒若殺一村一城一國若

以刀輪殺一切衆生若恒河已南布施衆生恒河

已北殺害衆生悉無罪福無施戒定等上已釋竟

疏因此便引涅槃餘之三師第四無所畏大臣師

尼健陀若提子告諸弟子言無善無施無父無母

無今世後世無阿羅漢無修無道一切衆生經八

萬劫於生死輪自然解脫有罪無罪悉亦如是如

四大河所謂辛頭河恒河博叉私陀悉入大海無

有差別一切衆生亦復如是得解脫時悉無差別

五藏德大臣所宗卽末伽梨俱賒離子爲諸弟子

說如是法一切衆生身有七分何等爲七地水火

風苦樂壽命如是七法非化非作不可毀害如伊

師迦草安住不動如須彌山不捨不作猶如乳酪

各不諍訟若苦若樂若善不善投之利刀無所傷

害何以故七分空中無妨礙故命亦無害何以故

無有害者及死者故無作無受無說無聽無有念

者。及以教者。常說是法。六卽日月稱大臣所宗。富蘭那說如是法。無黑白業。無黑報。無白業。無白報。無黑白業。無黑白報。無有上業。及以下業。上已畧明六師之計廣如諸論。

疏衆生於上邪。因無因異道中求。經欲以正折邪。故舉四門。令於中求。不應於上邪。見中求此門。卽破冥性。謂因緣有支。各二種業。而能生彼因緣事。不由冥性。故斷前支緣。則後支不續。一生之中。便得解脫。汝之冥性。縱八萬劫知。亦無脫期。

△疏三約一切相智觀。卽當第三方便觀。謂因緣有

支各有二業。爲起後方便。若滅前前。卽不生後後。是解脫方便。鈔三約一切相智觀。然論但云。因緣有支二種業。能起因緣事故。今疏乃義加解脫方便。又二業中。經文後一爲起後因。疏意云。若無自業。何能起後。故云二業爲起後方便。

○疏第四不相捨離中三門同前。初約相諦。卽當自因觀。自因之義。已見上文。鈔第四不相捨離門。自因之義下。祖先指前章。疏云。唯從無明生行等。名自因是也。

疏又論云。自因觀者。無明等自生因觀緣事故。謂

離前支無後支故如不離無明有行等則無明唯是行自因也。以是自故令行不斷以是因故但云助成。鈔又論云下二引論廣釋於中亦二先標卽論主生起之文引論不盡此下更云何者是無明等因緣行不斷助成故釋曰此是論宗先舉經釋成自因以易故不引又與下廣釋義同故畧不引然無明等自生因觀是自義緣事二字是其因義謂離前支下第二廣釋卽下釋經論文釋自因義然具足論云自因觀者不相捨離觀故離前支無後支觀故不離無明則成行觀若不離無明有行者不應言無明緣行若離無明有行成者異則不成是故偈言衆因緣生法是則不卽因亦復不異因不斷亦不常釋曰今疏以言問論之釋對文可見今更委釋此中疏取論意但以不卽不離成自因義不卽故因義成不離故自義成於中疏文有其三段一順釋明要具不卽離義自因方成然文但有不離之言意則已有不卽之義於中離前支無後支者以義標次如不離無明有行等則指經釋成並同論文但初門不相捨離之言中間加一如字卽出彼論從則無明唯是行因是疏釋論

撰述

華嚴疏錄卷之一

原

意成其自義。以是自故下結成二義。謂自及因義。卽是論經然今經文一時併舉不斷助成。若論經文亦各別歷十二因緣云。是中無明緣行者。無明因緣令行不斷助成故。行緣識者。行因緣故。令識不斷助成故等。今初論意云。以無明令行不斷爲自義助成是因義助成是不卽令不斷是不離故。上標云。自生因觀是自義緣事是因也。自生因觀卽令行不斷緣事卽是助成。

疏若唯不離無明有行。則成太卽不應言無明緣行。若全離無明有行。則成太離無明則非行因。故

論云。異則不成。鈔若唯不離下第二反釋太卽則無明卽行不得言無明與行爲緣。太離則無明不干於行。何殊色於行耶。

疏不卽不離則名自因亦二義成矣。故論主引中論偈云。衆因緣生法是則不卽因亦復不異因。非斷亦非常。初句汎舉也。次句以是所生非能生故亦復不異因者。從於能生生所生故。非斷亦非常者。不卽故不常。不異故不斷。又不卽因故果不斷。因不常不異因故。果不常因不斷。又以不卽故。因果俱不斷不異故。因果俱不常。非無因常故。又亦

撰述

華嚴疏金卷之一

真

開

反此非相續常故。又以不離是不卽故。卽不常爲不斷思之。鈔不卽不離下結示正義於中有二先標言二義成矣者。卽不斷助成之二義也。初句汎舉下疏釋論偈謂初句泛舉一切因緣生法。非局此十二因緣。二三兩句明不卽離。第四一句結歸中道。非斷常義。初一是總。正是因滅不常果續不斷之義。故云不卽故不常卽乃因。至於果便墮於常言。不異故不斷者。從因生果。是果續義。故是不斷異則果不續因。便墮於斷。次下三義。於此開出而取意別。又不卽下第二意。於不卽不離二義。

之上各成不斷不常初言不卽因故果不斷因不常者。不卽則有果。故果不斷因不與果俱。故因不常。次云不異因故果不常因不断者。果從因生。故果非常。不異則因能生果。故因不断。此上因果交絡明不断常。又以不卽下第三又以不卽故因果俱不断等者。當一句上卽具不断不常不卽有因果故。俱不断不异故因果俱不常者。此義難見。故釋曰。非無因常不异則果從因生。故非無因常。不卽則因由果顯亦非無因常。然無因常乃有二義。一如涅槃云。是諸外道無有一法不從緣生。是

故無常如來佛性虛空不從緣生。是故爲常。則是真常。非此所明。二者外道所計微塵世性。前無有因故說爲常。此是邪常。是今所揀。又亦反下。第四又亦反此應云。不卽故因果俱不常。不異故因果俱不斷。不斷義易故更不釋。謂不異。則從因有果。俱不斷滅。不斷不常。不常難見。故今釋云。非相續常者。若卽因者。因則至果。如泥至餅。此因則常。果卽是因果亦相續常也。此常則是邪見。故今揀之下。第五合不卽不離。及不斷不常。以爲一致。上五

釋中初一望次三卽從總開別。此一望前四卽合於前開故令思之。以成深觀。

佛子此中無明緣行乃至生緣老死者。由無明乃至生爲緣令行乃至老死不斷助成故。

疏文中先順後逆順中而論云。無明有二種。一子時。二果時。是中子時者。令行不斷。有二種義。故緣事示現者。子是種子。果是現行。現行之果。雖前已謝。故不取之。種子續故令行不斷。能助成行故。取子時亦可。初起無明名之爲子。遷至行時名之爲果。由前等引之力。令行不斷。助成行故。偏取子時。

餘十一支皆有二時例此可了。鈔一子時下。卽釋自因。自因之義前已廣引。今但釋論子果之言。疏中二釋正順論意。正順論意亦順涅槃第二十九師子吼問陰無繫者。云何繫縛。佛答以煩惱鎖。繫縛五陰。因此便說名色繫縛。衆生繫縛名色等。師子吼難云。若名色繫縛者。阿羅漢未離名色。亦應繫縛。佛答云。善男子。解脫有二種。一子斷。二果斷。言子斷者。名煩惱斷。未斷果故。名果繫縛。又引油燈以喻煩惱衆生。釋曰。此明爲因義邊名子。羅漢斷煩惱因。未脫果縛。故似後義以論言無明。有斷助成後支。故疏正意在其後解。

二一是則爲因之時。卽是前支能起於後。若前支至後。但有種子。非是正發後支之因。故取子時。子卽因耳。故論云。是中子時者。令行不斷。有一義故。以自體助成二義。皆屬前支故。而名因爲子者。如穀子生芽。故果卽是行。行時有行俱無明。非發業者。故不取之。餘支例然。皆以前支爲後支緣。令後不斷助成後支。故疏正意在其後解。

無明滅則行滅。乃至生滅。則老死滅者。由無明乃至生不爲緣。令諸行乃至老死。斷滅不助成故。疏後逆觀論云。先際後際滅。中際亦無。鈔後逆

撰述

華嚴疏錄卷之一

觀論云下有二先引論然經文中亦歷十二云無明滅故則行滅無明因緣無行滅不助成故行滅故則識滅行因緣無識滅不助成故等而論云先際後際滅中際亦無者意云若前際無明行無中際五果則無後際愛取有無中際苦果後更不生總顯無因則無果義而謂愛取有爲後際者卽次第六段三際輪迴門中將愛取有以因從果名後際

疏是故不說者十二因緣不出三際過未旣無中宣得有是故不說有不斷助成義又不說者滅則

此釋上論是故不說之言而有二釋前約經明故云不斷助成後約論意故云不說子果

△疏二約大悲隨順觀破顛倒因中以自在天爲衆生因今以無明等爲行等因尚不從於餘支宣得從乎自在

△疏三約一切相智觀卽當第四因緣相觀有支無作故者旣由前前令後後不斷助成後後則後後無性何有前前能作後後卽以無作爲緣之相是種智境鈔三約一切下三種緣生中無作緣生

也。三種緣生者。如十藏中。謂是事有故。是事有。是無作緣生。是事起故。是事起。是無常緣生。無明緣行。是勢用緣生。今前二觀。是無常義。今是無作。又無常義。初門已明。勢用一門。徧於前後。亦廣在初門。

信官曹俊德室張氏損資一兩二錢。願福嗣遐齡。現生具足。聞經信法。當成佛果。祺胤自捐銀十
七兩。荐故友張近思。訶其通財厚誼。○此十地品中道友明乾計助六十四兩。願角祖
庭潤妣徐氏。士氏祖鳳妣楊氏。父承節妣沈氏。張
氏外孝沈北塘夫婦李松張氏先室沈氏。女順
姐自身同室李氏。男一新自新日新。又新孫男
震咸消宿冤淨現業者。

大方廣佛華嚴經疏鈔卷三十七之一 終

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 9

二ノ四十一